

禹貢錐指卷第十四上

德清胡渭學

蟠冢導漾東流為漢

渭按漢史記作泔漢書氏道下又作泔字通也

傳曰泉始出山為漾水東南流為沔水至漢中東流為漢水易氏曰漾水東流首八十里經興元之南鄭縣名漢水黃氏曰漢有泔漾之名皆東漢水也地理志西漢水出西縣蟠冢山南入廣漢白水蓋潛漢也經不著其所出自古皆以為東西兩漢俱出蟠冢則或然矣而西漢固無沔漾之名地理志漾水出隴西氏道至武都為漢武都東漢水受氏道水名沔是則沔漾俱為東漢也獨氏道武都脈絡不通川渠阻隔武都受漾為不可據而桑欽遂徒氏道漾水為西漢

之源由是愈紛錯。鄭道元委曲遷就通之以潛伏之流證之以難驗之論。更覺齟齬。故當盡廢諸說。而一之以經文。杜佑通典。秦州上邽縣。嶓冢山西。漢水所出。經嘉陵曰嘉陵江。經閬中曰閬江。漢中金牛縣。嶓冢山。禹導漾水東流為漢水。亦曰沔水。其說為可據。渭按嶓冢見導山魏地形志。華陽郡嶓冢縣有嶓冢山。漢水出焉。元和志。嶓冢山在興元府金牛縣東二十八里。漢水出焉。經南鄭縣南去縣一百步。禹貢嶓冢導漾。東流為漢。是也。南鄭今陝西漢中府治。其故城在今府城東北。嶓冢故城在今沔縣白馬城東南五里。上邽故城在今鞏昌府秦州西南。金牛舊縣在

今漢中府寧羌州西北 嶧冢山在今沔縣西南接
寧羌州界

漢郊祀志秦祠沔於漢中地理志漢中有沔陽縣
武都下云東漢水一名沔則沔漢互稱其來已久

而沮縣下又云沮水出東狼谷南至沙羨南入江

荊州川

沮子余反
美音夷

按周禮荊州川曰江漢而無沮是

沮即沔也水經注沔水出武都沮縣東狼谷中一

名沮水

關駟曰以其初出沮然故曰沮水縣亦受名焉導源南流泉
街水注之水出河池縣東南流入沮縣會于沔元和志沮水出

興州順政縣東北八十二里按沮縣故城在今漢中府略陽縣界晉永嘉後
沒于氐羌縣廢後魏改置武興縣又僞置略陽縣西魏改略陽曰漢曲隋又
改曰順政唐為興州治宋復改順政曰畧陽今在寧羌州北
二百二十里河池今徽州屬鞏昌府泉街水在略陽縣北

東南逕沮

水戍

在略陽縣東南沔縣志云沮水
在縣西七十里與畧陽接界

又東南流注漢所謂沔

漢者也尚書曰蟠冢導漾東流為漢山海經所謂

漢出鮒嶠山也東北流得獻水口庾仲雍云是水南至關城合西漢水又

東北合沮口漢水自寧羌州東北流逕沔縣故大安軍南又東北至青羊驛沮口在焉宋開禧二年金人陷大散關叛將吳

曦退屯沮口旋還興州沮口即沮口也同為漢水之源故孔安國曰漾水東

流為沔蓋與沔合也至漢中為漢水是互相通稱

矣班固曰東漢水一名沔鄭康成曰或謂漢為沔如淳曰北方人謂漢水為沔水沔水又東逕白馬戍

南灑水入焉水北發武都氏中南逕張魯城東又南逕張魯治東張魯治東對白馬城一名陽平關灑水南流入沔其城西

帶灑水南面沔川二水之交故亦曰灑口城矣按地形志沔陽縣有白馬城今在沔縣西南即漢陽平關亦曰白馬戍灑水在縣西三十里又

東逕武侯壘南諸葛武侯所居也亦名白馬城在今沔縣南又東逕沔陽縣故

城南城蕭何所築也南對定軍山諸葛亮遺令葬此按沔陽故城案字記云在沔縣東南十六里今在沔縣東南十里又東

逕西樂城北城在今沔縣西南灑水南岸又左得度水口右沔縣南三里又東

右會溫泉水口

在沔縣東南

又東黃沙水左注之

水南有女郎山按沔縣東

四十里有沙水女郎山在褒城縣西南

又東合褒水

西北出衙嶺山東南流入漢元和志褒谷山在褒城縣北五里南口為褒

北口為斜長四百七十里按褒水在今褒城縣東

又東逕萬石城下

在褒城縣東

又東逕漢

廟堆下

在今南鄭縣西南

又東逕南鄭縣南

漢高祖入秦項羽封為漢王蕭何曰天漢美名

也遂都南鄭

以今輿地言之漾水出寧羌州北蟠冢山

寧羌在漢

中府西北三百八十里

東北流逕沔縣西南合沔水又東逕沔縣

南

沔縣在府西少北九十里

又東逕褒城縣南

在府西北四十里沔水去縣二十四里

又東逕

南鄭縣南為漢水

水去縣三里

經所謂蟠冢導漾東流為

漢者也

陸游曰嘗登蟠冢山有泉涓涓出山間是為漢水

之源此務觀入蜀塗歷金牛目驗而得之涓涓細

流安國傳所謂泉始出山爲漾水者也新城王尚
書士禎昔典試四川撰蜀道驛程記其言蟠漢最
爲詳覈記曰出沔縣西門曲折行亂山中沔水流
經其中略如棧道但山庫無林木沔流舒緩不及
褒水湍悍耳西涉沮水抵大安驛有土城廢址宋
置大安軍沔沮之間闊者未丈許狹者才二三尺
沙石磷磷深不沒踝自大安西南亂山益稠至金
牛驛北望見蟠冢山峩然雲表一小水自西東流
卽所謂蟠冢導漾者也水纔濫觴不沒鳧鴈合五
丁峽水東流爲沔其流始大金牛驛西三里稍南
入五丁峽一名金牛峽

在寧羌州北三十里

峽口懸崖萬仞陰

風颯然水自峽中噴薄而出寧羌州在亂山中無
城堞本沔縣羊鹿坪地明洪武中以山寇作亂置
寧羌衛于此成化中即衛建州治自州行十里渡
水過百牢關關下有分水嶺嶺東水皆北流至五
丁峽北合漾水入沔嶺西水皆南流逕七盤關龍
洞合嘉陵水爲川江常璩言沔出蟠冢合白水爲
西漢明與導漾之文相悖按通典蟠冢山有二一
在天水上邽一在漢中金牛雍大記云西漢水在
西和縣源出蟠冢山西流與馬池水合此乃上邽
之蟠冢在今秦州又云漢江源出沔縣蟠冢山東
流入金州此乃金牛之蟠冢焉黃蟠冢導漾乃沔

縣之蟠冢非秦州之蟠冢知蟠冢有二則東西二漢源流各自了然漾之與沔本為一流與隴西之蟠冢都無交涉常氏之誤可不辯而明矣公使車閱歷較陸氏所得更備且大有裨于經學非徒紀遊覽之勝而已故掇其要著於篇

漢志隴西氏道下云禹貢養水所出至武都為漢

師古曰氏夷種名氏之所居故曰氏道按邑有蠻夷曰道晉永嘉之後地没于氏羌縣多荒廢氏道今不知所在武都郡武都

縣下云東漢水受氏道水一名沔過江夏謂之夏

水入江武都本白馬氏地漢元鼎六年開以為武都郡治武都縣今鞏昌府成縣西北百里有仇池山上有仇池城城東南有武都

縣故城即漢武都郡治也水經漾水出隴西氏道縣蟠冢山東至武

都沮縣為漢水常璩華陽國志漢水有二源東源

出武都氐道縣漾山為漾水

氐道晉改屬武都郡

禹貢導漾東

流為漢是也此皆依漢志以為言然氐道漾水至

武都為東漢水卒莫有能言其所經者今按酈注

濁水出濁城

北今成縣有濁水戍亦曰濁水城胡三省云在上祿縣東南武街城西北

東流與丁

令溪水會

水北出丁令谷南運武街城西東南入濁水

又東逕武街城南

故子辨縣治今

廣業郡治核此城在今成縣西三十里

又東弘休水注之

水北出溪南逕武街城南而南注于濁水

又東

逕白石縣南

續漢書曰下辨城東三十餘里有峽中白水生大石障塞水流濁水即白水之異名也按白石縣今為成縣

治又東南渥陽水注之

水北出渥谷南逕白石縣東而南入濁水

又東南與仇

鳩水合

水發鳩溪南逕河池縣故城西而西南流注濁水

又東與河池水合

水出河池北谷

南逕河池戍東西南入濁水

又東南兩當水注之水出陳倉縣之大

散嶺西南流入故道州謂之故道水西南逕故道

城東又西南入廣業郡界與沮水枝津合謂之兩

當溪水上承武都沮縣之沮水瀆沮縣今略陽沮水在縣東西南流

注于兩當溪又西南注于濁水濁水南逕槃頭郡

東今略陽縣西北一百里有長舉廢縣後魏于此置槃頭郡而南合鳳溪水水上承濁水於廢廣業郡南逕鳳溪出鳳

鳳臺下東南流左注濁水又東注于漢水謂西漢水觀此文則漢志以沮水

枝津上承氐道水下爲東漢水可知也氐道雖未

詳其處所以地望度之當在西縣之東河池之西

上邽之南下辨之北濁水所受有丁令溪水弘休

水渥陽水皆出其北蓋自氐道來也其中或有漢

志所謂養水者但今無可攷耳然沮水枝津上承

沮瀆自東入西非自西入東也昔之觀水作記者

不察地勢之高下不辨川流之去來遂以爲氐道
養水合濁水兩當溪由枝津以達沮沔是爲東漢
之源而不知其非也班固因之故有此誤水經于
武都下加沮縣二字蓋亦以氐道水下通沮水爲
東漢之源也然漢志不言養水出何山而水經復
附會之曰嶓冢則氐道亦有嶓冢山矣常璩知其
非是故又因水以名其山曰漾山而爲之殊目要
之氐道水所出別是一山非嶓冢也遼世言漢水
者皆知班固之誤而不知其誤所由來故詳著其
原委如此

漢志隴西西縣下云禹貢嶓冢山西漢水所出

括地

志秦西垂宮即漢西縣在秦州上邽縣西南九十里元和志嶓冢山在上邽縣西南五十八里然則山在故西縣東北去西縣三十二里也上邽漢屬隴西郡唐爲秦州治今鞏昌府秦州是志云西縣故城在州西南一百二十里嶓冢山在州西南六十里山不甚高而峰岫延長連屬若冢是山在西縣故城東北六十里也與括地元和志里數不同蓋唐之上邽在今州之西南去西縣故城當較近但山不當更差二十八里耳州志城與山必有一誤

入廣漢白水東南至江州入江

元和志利州景谷縣本漢白水縣屬廣漢郡宋爲平興縣

隋改白景谷今四川保寧府昭化縣之白冰鎮是也鎮在縣西百里白水在縣北二十里至縣東三里合嘉陵江漢巴郡治江州縣其故城在今重慶府巴縣西大江在縣東南嘉陵江至此入大江過郡四隴西武都廣漢巴郡行二千七百六十里

此與氏道之養水全無交涉水經非一時一手作

漾水篇首云漾水出隴西氏道縣嶓冢山東至武

都沮縣爲漢水此不過依漢志氏道一條以立文

惟加嶓冢沮縣爲不同耳其所謂漢水即東漢也

亦與西縣之西漢全無交涉及觀下文東南逕白

水葭萌閘中至江州入江則又確是西漢水與武

都一條全無交涉矣首尾橫決必魏晉間人所續

也

經文有曰廣魏者故廣漢也蓋晉氏改名漢後人續經此亦其一證

尋其意指蓋以氐道水

南合濁水兩當溪歷槃頭郡東而南為西漢水也

槃頭治長舉亦漢沮縣地故酈注以為東西兩川俱出嶓冢而同為

漢水其言曰劉澄之云有水從沔陽縣南至梓潼

漢壽入大穴暗通罝山郭景純亦言是矣罝山穴

小本不容水水成大澤而流與漢合庾仲邕又言

漢水自武遂川南入蔓葛谷越野牛逕至關城合

西漢水故諸言漢者多言西漢水至葭萌入漢則

兩川通波更在沮縣之南矣嘗試以圖志考之漾

沮雖有枝津與西漢通要皆自東入西非自西入東也蓋蟠冢亘絕東西俗謂之分水嶺地勢東高而西下故西漢水自略陽縣南入寧羌州界即折而西南避高就下其性則然豈有東入之理澄之所言即禹貢之潛仲邕所言即通谷水也二水皆東漢之枝津西流入西漢水而說者乃謂西漢水至葭萌入漢顛倒之矣今嶺東漾沮枝津皆入西漢嶺西谿澗之水亦皆入西漢川流去來有目者盡能驗之其可是古而非今乎

凡川流去來以平日爲主時值暴漲則急水溢入緩水而東者反西南者反北漲稍退則如常矣洞

庭彭蠡之水皆北入大江及夏秋江漲迴流入湖
清湍爲之改色此其尤彰明較著者昔人以西漢
水東合沮沔蓋亦據暴漲之時溢入東川故有此
誤耳余家臨餘不溪溪水分流自清河橋入經縣
前出西水門西北合前溪水又西北與茗雲會即
古北流水也此水本自東入西投之以物輒西流
及溪水暴漲乃自其上流溢入馬厄河而東入西
水門出清河橋投之以物則東流矣使客游者觀
之能不以暫爲常乎故夫山川之向背非熟察情
形參詳圖志未有能得其真者也

鄜道元雖有東西兩川俱出蟠冢之說而終以西

漢為主注云今西縣幡冢山西漢水所導也西流

與馬池水合

寰宇記云馬池源出幡冢山

又西南合楊廉川水

水出西谷東南

流逕西縣故城北又東南入西漢水

又西南逕始昌峽始昌縣故城西

城在今西和縣

北又西南逕宕備戍南

戍在西和縣東北

又西南逕祁山軍南

祁山在幡冢之西七十許里今在西和縣西北七十里

又西逕蘭倉城南

今禮縣東南有蘭倉故城

又南

入嘉陵道而為嘉陵水

禮縣本漢嘉陵道地屬武都郡西漢水至此為嘉陵水傅同叔云嘉陵江出鳳

州大散關西南嘉陵谷至興州北境當會東漢水而東行安得越東漢而為西漢乎宋人以故道水為嘉陵江大非近志皆承其謬故道水合濁水至槃

頭郡入西漢水至今猶然何言會東漢而不為西漢邪

又東南逕瞿堆西又屈逕瞿堆

南

孤嶮雲高望之形若覆壺開山圖謂之仇夷漢武帝元鼎六年開以為武都郡左右悉白馬氏矣按瞿堆即仇池山在今成縣西北百里

又

東南逕濁水城南

亦曰濁水戌在成縣西

又東南逕脩城道南

合

陽縣西北有脩城廢縣漢志作循城屬武都郡

又東南於槃頭城南與濁水合

詳見前

又東逕武興城南

今略陽縣治即武興故城唐爲興州順政縣元和志嘉陵江經順政縣南去縣百步

西南逕關城北

除水出西北除溪東南流入漢按關城即今陽平關在富州西北八十里東至沔縣一百七十里

西南逕通谷

通谷水出東北通溪上承漾水西南流爲西漢水按唐武德二年分綿谷縣之通谷鎮置金牛縣在今寧羌州

金牛驛西三十里庾仲邕曰漢水自武遂川南入蔓葛谷越野牛逕至關城合西漢蓋即此通谷水也通溪上承漾水曰獻水口

又西南

寒水注之

水東出寒川西流入西漢寰宇記云大寒水在三泉故縣南十五里西流至龍門山大石穴按龍門山在故三泉縣西

七十里今在廣元縣東北八十二里其水即禹貢之潛郭璞所謂從沔陽南流至漢壽入大穴中通峒山下西南潛出者也詳見梁州

又西

逕石亭戍

廣平水西出百頃川東南流注漢又有平阿水出東山西流注漢水

又逕晉壽城西

又南合漢壽水

水出東山西逕東晉壽故城南而西南入漢按今廣元縣南有漢壽水

又東南逕

葭萌縣東北與白水合

白水西北出臨洮縣西傾山又東南逕白水縣故城東又東南逕小劔戍北西

去大劔三十里又東南至吐費城南即西晉壽之東北也東南流注漢水水有津關按元和志晉壽故城在利州益昌縣東南五十里本漢葭萌縣也此

爲西晉壽今在昭化縣界白水即桓水詳見梁州嘉陵江自陝西寧羌州界東南流逕四川廣元縣西又西南逕昭化縣東南又南逕劔州東又東南入

蒼溪縣界白水關在寧羌州西南九十里接昭化界東北去關城一百八十里 又東南逕巴郡閬中縣

巴西郡治也閬水出閬陽縣而東逕其縣南又東注漢水按三巴記云閬白二水南流曲折三回如巴字即嘉陵江也自蒼溪縣界東南流逕閬中縣

西南又東南逕南部縣東北又東南逕蓬州東又西南逕南充縣東又南入定遠縣界寰宇記云嘉陵水又名閬中水亦曰閬江亦曰渝水華陽國

志曰閬中有渝水其民多居水左右天性勁勇銳氣善舞人所謂巴渝舞也 又東南逕宕渠縣又東

南合宕渠水 水北出南鄭縣南巴嶺謂之北水東南流與難水合又

東流逕宕渠縣謂之宕渠水又東南入漢按宕渠故城在今渠縣東北七十里宕渠水亦名渠江重慶府志云嘉陵江自定遠縣

流入合州界又一百九十里合渠江又十里至州城東南合涪江又南四十

里入巴縣酈道元以宕渠水為禹貢之涪非是辯見梁州 又東南逕江州縣東南入于江

涪水涪之故仲雍謂涪內水者也按江州不作江津誤今據漢志改正 以今輿地言之秦州西和

禮縣成縣 並屬陝西鞏昌府 略陽寧羌 並屬漢中府 廣元昭化劍州

蒼溪閬中南部 並屬四川保寧府 蓬州南充 並屬順慶府 定遠合州

巴縣 並屬重慶府 諸州縣界中皆西漢水之所經也禹貢

雖無西漢水然必周知其所歷之地而後可以折
東漢受氐道水之妄且廣元以下即禹貢之潛昭
化合白水亦即禹貢之桓皆有關於經故備著之
禹貢以嶓冢繫梁州而漢志嶓冢在雍域之隴西
一誤也禹貢云嶓冢導漾而漢志以嶓冢所出爲
西漢水其漾水則出氐道二誤也禹貢之潛乃漾
水枝津西出爲西漢水而漢志西漢水出西縣之
嶓冢三誤也漢志不言漾水出何山而水經云出
氐道縣嶓冢山是氐道亦有嶓冢四誤也漾者東
漢之源而續水經者以西漢接漾水爲一川五誤
也漾沔枝津皆自東入西而酈注從舊說云西漢

水至葭萌入漢六設也川流離合地上灼然可見而酈注惑闕駟之說以爲原始要終潛流或一故東西俱受漢漾之名七設也羣言殺亂學者靡所折衷今說漢水當排棄諸家專主禹貢以沮沔爲漢之別源以西漢爲漾之枝津而氐道水則存而不論是亦理亂絲解連環之術也

蔡傳漾水名水經曰漾水出隴西郡氐道縣嶓冢

山東至武都

遺沮縣爲漢水五字

常璩曰漢水有兩源此東源

也即禹貢所謂嶓冢導漾者其西源出隴西嶓冢

山會泉始源曰沔逕葭萌入漢東源在今西縣之

西西源在今三泉縣之東也酈道元謂東西兩川

俱出嶓冢而同為漢水者是也水源發于嶓冢為
漾至武都為漢今按酈注引常璩華陽國記曰漢
水有二源東源出武都氐道縣漾山為漾水禹貢
導漾東流為漢是也西源出隴西嶓冢山會泉逕
葭萌入漢始源曰沔而蔡氏所引割裂顛倒文義
盡失泉本白水二字傳寫者誤合為泉字當作會
白水逕葭萌入漢而蔡氏不悟意會泉為泉名即
始源曰沔乃易置四字於逕葭萌入漢之上殊為
可笑常璩承地志水經之謬而又擬漾水之名以
西源為沔其謬滋甚自魏收謂漢水出嶓冢縣而
杜佑復從而證明之世亦知東西兩川原委劃然

為二矣王象之輿地紀勝引宋朝郡縣志云今之言漢水以西縣之蟠冢山為源此即後魏之蟠冢縣隋更名西縣者非隴西之西縣今在秦州境者也

周廢西縣入上邽隴西之西縣絕已久矣

蔡氏云東源在今西縣之西亦似

從郡縣志主隋之西縣而謂西源在今三泉縣之東則大非三泉本漢葭萌縣地唐武德初分置三泉縣在利州東北一百五十里天寶初移治嘉陵江東一里關城倉陌沙水之西西南去故城一百

二十里

見寰宇記

即宋故大安軍也今在寧羌州西北

牛驛西六十里

宋紹興三年改建大安軍於今沔縣界復置三泉縣隸軍即今縣西南九十里大安驛也蔡氏所指三泉

縣蓋在沙水西者

北距隴西蟠冢山六百餘里而謂西源在

三泉之東相去懸絕總由不知宋之西縣即隋之西縣隋之西縣非漢之西縣故輾轉迷惑終無是處酈元所謂兩川俱出蟠冢者仍指隴西之山蔡氏誤認在漢中故又實其言以爲東源出蟠冢山東則當在西縣之西西源出蟠冢山西則當在三泉之東是謂東西兩川俱出蟠冢而同爲漢水云爾而不知其舛錯爲已極也又云水源發于蟠冢爲漾至武都爲漢夫武都縣遠在漢中之西北兩源旣並出漢中豈復有西北流至武都者哉隋人改蟠冢縣曰西縣五百年後蔡氏獨受其誤吾不能不爲蔡氏轉恨隋人也

蔡氏岷嶓既藝傳云嶓冢山地志云在隴西氐道縣漾水所出又云在西縣今興元府西縣三泉縣也蓋嶓冢一山跨于兩縣云今按漢志氐道無嶓冢水經始有之西縣亦屬隴西與隋之西縣相去懸絕而蔡氏云一山跨兩縣蓋以興元之西縣爲隴西之西縣又以興元之三泉當隴西之氐道也既不知有二西縣又不知有二嶓冢故此傳云東源在今西縣之西西源在今三泉縣之東支離之說所自來矣大抵東源出漢中宋人皆以爲然而謂西源亦出漢中則自蔡氏始以余觀之西漢水之名實以漾水枝津西南潛出故謂之西漢鄭康

成云漢別爲潛流與漢合大禹自道漢疏通卽爲西漢水此古人名水之本義也自班固以西縣所出爲西漢之源而其指乖矣今若以從沔陽南流者爲西漢之源卽謂西源在三泉之東亦無不可然傳者之意初不若是也郢書燕說聊爲仲默解嘲云爾

又東爲滄浪之水

釋文浪音郎謂按滄史記作蒼

林氏曰張平子南都賦云流滄浪而爲隍廓方城而爲墉李善注引左氏傳屈完所謂楚國方城以爲城漢水以爲池則是滄浪卽漢水也蓋漢水至于楚地則其名爲滄浪之水也易氏曰漢水自興元南鄭縣

又七十二里至城固縣北又三百里至洋州興道縣
南又五百里至金州西城縣北又六百八十里至均
州武當縣西北四十里水中有滄浪洲又名滄浪水
渭按武當漢屬南陽郡今爲均州屬湖廣襄陽府

傳云別流在荊州正義云傳言別流似分爲異水
按經首尾相連不是分別當以名稱別流也渭按
水經夏水注云鄭玄注尚書滄浪之水言今謂之
夏水來同故世變名焉劉澄之著永初山水記云
夏水古文以爲滄浪漁父所歌也因此言之水應

由沔今按夏水是江流沔非沔入夏假使沔注夏
其勢西南非尚書又東之文也此辨最爲明晰孔

傳實出康成之後以夏水為滄浪故曰別流漢水之

色也非因洲而得名李白襄陽歌云漢水鴨頭綠正所謂滄浪諺引震
為蒼管竹漢童謠木門倉琅根字雖不同而音義則一皆言其色青也

水經注漢水自南鄭縣東南又東逕胡城南在今城固縣西

四十里又東黑水注之在城固縣西北五里又東逕城固縣南元和志漢水逕

城固縣南去縣三里按今城固縣北有城固北城漢賈即大城固也又東逕魏興安陽縣南泔水

出自旱山北注之蔡傳云安陽今洋州真符縣也按真符在今洋縣東六十里元省入洋州旱山在今南鄭縣東

南漢志安陽鬻谷水出西南北入漢師古曰鬻音潛其字亦或從水泔鬻古字通或以為禹貢之潛非是酈注云泔水即黃水也又東會

益水在洋縣西北二十五里又東至黨城南與洛谷水合水北出洛谷北通長安按

黨城今洋縣東北二十五里輿勢故城是也洛當作駱黨谷在縣北即駱谷之南口又東逕小城固南州治大城固移

縣北故曰小城固漢水東歷上瀉而逕於龍下龍下地名自白馬迄此則平川夾勢水豐壤天利方三蜀矣度此瀾洞從漢為山行之始按今洋縣治即

輿道故城小城固城在縣東元和志漢水經輿道縣南去縣一百步又東

寰宇記云漢水自發源至此屈曲行三百七十里入金州漢陰縣界又東

逕石門灘

在洋縣東五十里

又東逕猴經灘

山多猴猿好來戲綴故灘受斯名

又

東逕大小黃金南

水北對黃金谷在洋縣東八十里

又東合蘧除溪口

水北出就谷在長安西南其水南流逕陽都坂東又南歷蘧除溪而南注于漢按陽都坂蘧除水皆在洋縣東北又有子午道在縣東一百六十里元和

志云黃金縣有驛即子午道也舊道在

又東右會洋水

水導源巴山東北流

入漢隋志西鄉縣有洋水元和志云經縣東八里

又東歷敖頭

水陸嶮秦魏興安康縣治

又東合直

水 水北出子午谷東南逕直城西而南洋漢按直城西與今石泉縣接界實字記云漢水在石泉縣東百步

又東逕直城

南 又東至干渡而至蝦蟇嶺歷漢陽灑口而屆於彭溪龍甕矣並溪澗灘磧之名也按魏地形志金城郡治直城縣其故城在今漢陰縣西

東逕晉昌郡之寧都縣南

寧都故城在漢陰縣東七十里晉置屬晉昌郡唐改曰漢陰實字記云漢

水在漢陰縣南二里今在縣西

又東逕魏興郡廣城縣

沈約宋志魏興郡有廣城縣其故城在今紫陽

縣東南漢水在縣南門外

又東得魚脯溪口

舊西城廣城二縣指此谷而分界

又東過西城

縣南

又東逕龍也而鯨灘蜀都賦曰流漢湯湯驚浪奮奔望之天回即之雲昏者也

又東逕西城縣故

城南

漢中君之屬縣漢水出於城南界折而東北流入興安州界州本漢西城縣唐為金州治元和志

水去州城百步水出麩金

又東合旬水

謂之旬口在今洵陽縣東南漢志漢中旬陽縣北山旬水所出南入河

又東

逕木蘭南

左岸壘石數十行為木蘭塞云吳朝遣軍救孟達於此

又東左得甲水口

水出秦嶺山東南流逕魏興之洵陽縣又東右入漢水按漢志上雒縣甲水出秦嶺山東南至錫入河當在今白河縣界白河漢錫縣地也

又東

逕錫縣故城北

為白石灘故春秋之錫穴也錫音陽

又東逕長利谷南

漢志漢中長利

縣有鄖關其故城在今鄖西縣西

又東逕堵陽縣堵水入焉

水自建平郡界東北流逕堵陽縣西

而北注于漢

又東逕鄖鄉縣故城南

鄖鄉唐屬均州元改曰鄖縣元和志鄖鄉縣漢水西

自鄖利縣界流入南去縣三里東有澇灘冬即水淺而下多大石又東為淨灘夏水急迅行旅苦之歌曰冬澇夏淨斷官使命豐利今白河也

東逕琵琶谷口

梁益州分境於此故謂之琵琶口

又東北流屈而東南逕

武當縣

今為均州在襄陽府西北三百九十里西去興安州七百里

縣西北四十里漢水

中有洲名滄浪洲庾仲雍漢記謂之于齡洲非也

是世俗語訛音與字變矣地說曰水出荆山東南
流為滄浪之水是近楚都故漁父歌曰滄浪之水
清兮可以濯我纓滄浪之水濁兮可以濯我足余
按尚書禹貢言導漾水東流為漢又東為滄浪之
水不言過而言為者明非他水決入也蓋漢沔水
自下有滄浪通稱耳纏絡鄢郢地連紀郢咸楚都
矣以今輿地言之漢水自南鄭縣南又東逕城固

縣南

城固在漢中府東少北七十里水去縣四里舊志云縣東二里有飲馬灘每子午二時潮響如雷又五里為上瀉下瀉龍亭廢縣在縣

東龍亭山下即龍下也

又東逕洋縣南

洋縣在府東南一百二十里水去縣二十里

又東逕西鄉

縣東北

西鄉在府東南一百二十里

又東南逕石泉縣南

石泉在興安州西二百五十里

水去縣五十里

又東逕漢陰縣南

漢陰在州西少北一百二十里水去縣八十里

又東逕紫

陽縣南

紫陽在州西南一百八十里州志云有怪灘在縣西十五里水陡如鬪又大力灘在縣西八里兩岸夾石左右有兩石背最為

舟楫患以石梁灘在縣西當任河水口中宮灘在縣東南一里極高險中流有柱石怒濤之聲如雷長灘在縣東四里近汝河灘不甚險商舟停集漁火

絡繹皆漢

水所經也 又東北逕興安州北

州志云州境漢江多灘麤難串灘二即灘為險而神灘尤甚明

減化十三年知州鄭福於五冬時用火燒石疏鑿以殺其勢舟行利焉萬曆

十一年漢水溢壞州城公私廬舍皆盡溺歿者數千人州東一里有長春隄

成化八年為水衝壞十五年鄭福增築高堅萬曆二十年復加修築

又東逕洵陽縣南

洵陽在州東一百二十里水在

縣南

又東逕白河縣北

白河在州東南二百七十里

又東逕鄖西縣南

鄖西在湖廣鄖陽府西一百四十里水去縣五十里

又南逕鄖縣南

明成化十二年置鄖陽府治鄖縣舊志云漢江自城西逶

城南寶蓋天馬諸山皆錯列漢濱

又東逕均州北

均州在襄陽府西北三百九十里水去州四十里

經所

謂又東為滄浪之水者也

自均州以至漢陽皆名滄浪之水故曰是近楚都

葉少蘊云滄浪地名非水名大抵禹貢水之正名

而不可單舉者則以水足之黑水弱水澧水是也

非水之正名而因地以爲名則以水別之滄浪之水是也沈水伏流至濟而始見沈亦地名可名以濟不可名以沈故亦謂之沈水乃知聖言一字未嘗無法也渭按水名或單舉或配水字各有所宜如漆沮旣從自不可加水字澧水攸同無水字則不成辭矣如澧必配水導渭何以云東會于澧乎弱黑並配水漾單舉沈配水皆屬辭之體應爾非有他義也山海經凡山水以二字爲名者其上必加之字猶此經滄浪之水也亦古人屬辭之體安見滄浪爲地名而非水名乎信如葉言則山海經曰蟠冢之山蟠冢亦是地名而非山名矣

過三澁至于大別南入于江

釋文澁市制反

傳曰三澁水名入漢大別山名觸山廻南入江易氏曰漢水自滄浪洲東南流三百六十里至襄陽府襄陽縣又三百二十里至郢州長壽縣又三百里至復州景陵縣又東至漢陽縣大別山之東北入江渭按說文澁埤增水邊土人所止也大別見導山

孔傳以三澁為水名不如說文之精確按詩汝墳傳曰汝水名墳大防也箋以為汝水之側淮瀆傳曰瀆涯也箋以為淮水大防毛鄭彼此互異正義遂謂瀆從水瀆從土故其義有別而實不然爾雅釋丘瀆大防李巡曰謂厓岸狀如墳墓名大防也

康成注大司徒墳衍云水厓曰墳酈道元以瀼為水側之瀼是知瀼與墳字別而義同其互異者乃所以互相備耳參以說文水邊即厓埤增之土即大防防大故為人所止也左傳成十五年華元決雖瀼雖即雖水瀼則其防也故曰決王逸注西瀼云水涯杜預注漳瀼云水邊義皆與說文合然其地必有名川來入漢患其衝激故大為之防以為水名猶可蔡傳直謂之瀼水則大謬不然矣

水經第四十卷末言禹貢山水澤地所在曰三瀼

池之南在郾縣之北

池今本作地為是然自酈元時已謬觀注云池流可見傳寅集解引此亦作池明地字乃

近世所改之南上恐有脫文

酈注云尚書曰道漢水過三瀼地說曰

沔水東行過三澨合流觸大別山陂故馬融鄭玄
王肅孔安國等咸以爲三澨水名也許慎言澨者
埤增水邊土人所止也按春秋傳文公十六年楚
軍次于句澨以伐諸庸宣公四年楚令尹子越師
于漳澨定公四年左司馬戍敗吳師于雍澨昭公
二十三年司馬蕞越縊于蓬澨

今左傳本作蓬澨蓋
以上有蕞字而誤

服虔

或謂之邑或謂之地京相璠曰杜預亦云水際及
邊地也今南陽淅陽二縣之間清水之濱有南澨
北澨矣而諸家之論水陸相半又無山源出處之
所津途關路唯鄭玄及劉澄之言在竟陵縣界經
云郢縣北池然池流多矣論者疑焉而不能辨其

所在渭按左傳滢有五雒滢宋地故酈注不引今就其所引者論之不知何者可當禹貢三滢之目蔡傳以漳滢遠滢與沁水爲三滢而句滢雍滢其地皆有可攷却不數韓汝節宗之以沁滢漳滢遠滢爲三滢古無此名遠滢不知所在紛紛推測終無定論所可知者三滢爲漢水之三大防其地當有名川來入漢上不越滄浪下不踰大別而已

愚意三滢當在涇水入漢處一在襄城北即大隄一在樊城南一在三洲口東皆襄陽縣地在邛縣之北也言在竟陵者非是

邛縣故城在今襄陽府宜城縣東北

孟康曰邛音忌

其北即

襄陽縣之東境是也史記索隱曰三滢地名在南

郡邛縣北蓋即水經所言今無地以應之按涇水

注云清水左右舊有二澁所謂南澁北澁者水側

之澁此京相璠云在南陽清陽之間者

漢志南陽郡有陽縣有南澁聚

在東

與邛縣無涉若以爲入漢之水名則二澁不可

爲三澁又按水經沔水從襄陽縣東屈西南清水

從北來注之注云襄陽城東有東白沙白沙北有

三洲東北有宛口即清水所入也清水今名唐河

在襄陽縣東北及會白水

一名濁水一名弱水

又謂之唐白河

而清水之名遂晦其入漢處名三洲口三國時吳

將朱然攻樊司馬懿救之追至三洲口大獲而還

又王昶屯新野習水軍于三洲謀伐吳水經邛北

之三澁豈即此三洲邪然洲澁不同水中可居者

曰洲埤增水邊土人所止者曰澁以洲爲澁吾終不能無疑也

鄭劉皆言三澁在竟陵界故後世說三澁者多求之此地索隱曰今竟陵有三參水俗云是三澁水參音去聲蔡傳曰三澁水名今郢州長壽縣磨石山發源東南流者名澁水至復州景陵縣界又名

泂水

韓汝節云泂楚駕及今按唐沔州有泂川縣杜佑曰泂音又宋避太宗嫌名改泂川曰漢川縣則泂與義同音可知廣韻泂魚肺切水名

蔡傳作泂從俗也元和志云泂川水在泂川縣南二里漢陽府志云楊子港自景陵縣流逕漢川縣北又東入澗水即泂水也疑即三

澁之一據左傳漳澁蓬澁則爲水際未可曉也湖

廣通志曰沔陽州黃蓬之山下枕大江其東南有三澁焉北爲滄浪之水按山臨大江而所稱三澁

者又在其東南與漢水絕無交涉通志大謬承天

府志以司馬河爲一瀘

即出磨石山者

馬溪河爲一瀘石家

河爲一瀘自京山合流入景陵界謂之三汊水蓋

即索隱所稱三參水也

參去聲讀若參蓋上音山汊轉而爲參也

蔡氏謂即三

瀘之一者專指司馬河而言

左傳定四年吳子伐楚舍舟于淮汭自豫章與楚

夾漢史皇謂子常必速戰乃濟漢而陳自小別至

于大別三戰子常知不可欲奔史皇止之十一月

庚辰陳于柏舉吳師大敗楚師子常奔鄭孔疏云

小別當在大別之東何則子常從小別與吳戰退

而至大別明自東而漸西也今按豫章杜注云漢

東江北地自豫章與楚夾漢謂吳軍漢東楚軍漢西也子常濟漢而陳自小別至于大別言其師衆爲長陳自西及東若此其遠兩軍合戰則自大別以東尋傳文無從小別與吳戰退而至大別之事也小別當在大別之西孔說正相反今漢川縣東南有甌山即小別山元和志云小別山在漢川縣東南五十里

唐漢川縣在今漢川縣北三十里故里數不同

寰宇記云山形如甌

土諺謂之甌山

索隱曰大別山土人謂之甌山蓋承孔疏之說

二別相去一百二十餘里

水經注漢水自武當縣東北又東爲很子潭

潭中有石磧洲

長六十八丈廣十八丈又東南逕武當縣故城北又東南逕縣城東

縣南有武當山一曰太和山亦曰麥上山

又東逕龍巢山下

山在河東中唐十五丈廣一里三百三十步又

東南逕涉都城東北

故鄉名也郡國志筑陽縣有涉都鄉均水於縣入河謂之均口按涉都城在今穀城縣界

均水自南陽府浙川縣流逕均州至穀城入漢今故道已湮

又東南逕鄼縣之西南

今先化縣北有

鄼縣故城

又東逕穀城縣南

今穀城縣北有故穀城

又東南逕陰縣故

城西

城在今先化縣東北

又東逕關林山東

關林一作關林在穀城縣西北四里

又南逕

筑陽縣東又南筑水注之

杜預以為彭水水出新城郡魏昌縣界東南流逕筑陽故城南又東入于

沔筑音逐今穀城縣治即筑陽故城也筑水在縣南

又南逕高亭山東又東為漆灘

山都與筑陽分界于斯灘

又東逕山都縣東北

沔陽有固城即新野山都縣治沔水又東偏淺冬月可涉渡謂

之交湖兵戎之交多自此濟今襄陽縣西北有山都故城

又東逕樂山北

昔諸葛亮好為梁父吟每所登遊故名今襄陽

縣西北六十里獨樂山是也

又東逕隆中

歷孔明舊宅北今襄陽縣西三十里隆中山是也

又東逕

襄陽縣北又東逕方山北

方山一名萬山元和志萬山一名漢皋山在襄陽縣西十一里與南陽郡

縣分界處古諺曰襄陽無西言其界促近 又東合檀溪水水出縣西柳子山下東北注于沔一水東南出應劭曰城在襄

水之陽故曰襄陽是水當即襄水也按今襄陽縣治即襄陽故城謂之曼城在郡治之西唐書神龍元年漢水蓋城張東之罷政事遷襄州因曼為隄以

過湍怒自是郡置防禦守隄使隄在縣東北樂府有大隄曲謂此也唐盧鈞宋葉衡明聶賢徐學謨屢加修築 又東逕平魯

城南城魯宗之所築東對樊建安中關羽圍于禁於此城會沔水汎溢三城間蓋二城並峙中流如峽口甘唐鄧之水從白

河南注橫截漢流以故波濤激射城隍為害最切也 又從縣東屈西

南涓水從北來注之涓水入漢處名三洲口在襄陽縣東北詳見上文 又逕桃林亭

東亭在襄陽縣東南 又逕峴山東羊祜鎮襄陽嘗登之山在縣南七里亦曰峴首 又東南逕

蔡洲在岷山南漢長水校尉蔡瑁居之故名蔡洲 又東合洞口水出安昌縣大父山西南流謂之白水又西南

注于沔按安昌本漢春陽縣後漢曰章陵魏更名安昌在今襄陽縣界 又東南逕中廬縣東淮水

自房陵縣淮山東流注之今南漳縣東有中廬故城本春秋廬戎國也 又東南

逕黎丘故城西建武四年朱祐自觀城圍秦豐于黎丘是也按先武紀注云黎丘故城在今襄州率道縣北率道後改為

宜城 又南逕郢縣東北

元和志宜城本漢郢縣城東臨漢江古

南得木里水會

楚時於宜城東穿渠上口去城三里漢南郡太守王寵又鑿之引蠻水灌田謂之木里溝逕宜城東入沔

又南逕宜城縣東夷水出自房陵東流注之

夷水蠻水也桓

温父名彛改曰蠻水導源中廬縣界康狼山東南流歷宜城西山又東南注于沔昔白起攻楚引西山谷水以灌城即是水也元和志漢水在宜城

孫東 九里 又逕都縣故城南

古都子國也秦以為縣其故城在宜城縣東南

又東敖水注

之是曰 又東逕石城西

石城即今安陸府治漢水自宜城南流百七十里而至府西濁流蓄決最為可虞明

嘉靖末下滯上祀

又東南與白水合

魯定公四年吳入郢昭王奔隨濟于成白謂是水也 又

東逕荆城東又東南逕當陽縣之章山東

禹貢所謂内方山也

既瀆帶沔流實會尚書之

又東右會權口

水出章山東南流逕權城北又東入沔按荆門

州東南 有權城 又東南與陽口合

水上承江陵縣赤湖逕郢城南東北流謂之揚水又東北

得東赤湖水口又東逕華容縣又北逕竟陵縣西又北注于沔謂之揚口按陽水即揚水漢志漳水東至江陵入陽水陽水入沔是為揚口古之漳澁也

又東得澹口

其水承大澹馬骨諸湖水周三四百里及其夏水來同渺若滄海故郭景純江賦云其傍則有朱澹丹澹是也

又東南逕江夏雲杜縣中夏水從西來注之

即堵口也為中

夏水縣故祁亭禹貢所謂雲土夢作又故縣取名焉有雲夢城在東北按通典復州沔陽縣有漢雲杜縣故城在縣西北有夏水沔水今沔陽州南長夏河即夏水也自監利縣流經州南四十里與潛江縣分水又東北注于漢堵口今失其處蓋為水所湮也漢水在州北一百里自潛江流入與景陵分水

又東入漢川縣界

又東逕左桑

昔周昭王南征渡沔中流而沒百姓佐王喪事于此故曰佐喪左桑字失體耳

又東

與力口合

在今景陵縣東南

又東南澗水入焉

謂之澗口元和志安陸縣澗水故清澗水也西

北自隨縣流入注于沔今在漢陽縣西北

又東逕沌陽縣北

處沌水之陽也今漢陽縣西臨嶂山下有沌陽廢縣

又

東逕林鄣故城北

城在臨嶂山

又南至江夏沙羨縣北南

入于江庾仲雍曰夏口一曰沔口矣左傳定公四

年吳師伐郢楚子常濟漢而陳自小別至于大別

京相璠曰大別漢東山名在安豐縣南杜預曰二

列近漢之名無緣乃在安豐也案地說言漢水東行觸大別之陂南與江合則與尚書杜預相符但

今不知所是矣

漢陽縣本漢沙羨縣地後漢末嘗為沙羨縣治東晉置沌陽縣齊廢隋改置漢陽唐沔州治宋為漢陽軍

江水在城東南漢水在城北三里元和志漢陽縣漢水一名沔水西自岷川縣界流入漢口在縣東亦曰夏口左傳謂之夏汭章懷太子注後漢書云漢水始欲出大江為夏口又為沔口實在江北孫權於江南築城名為夏口而夏口之名移于江南沔水入江之口止謂之沔口或謂漢口夏口之名遂與漢口對立分據江之南北矣以今輿地言之漢水自均州北又東南

逕光化縣西南

光化在襄陽府西北一百八十里水去縣十五里

又東南逕穀城縣

東北

穀城在府西北一百二十里水去縣二十五里

又東南逕襄陽縣北

縣為襄陽府治東南

三十里漢水中有龍尾洲縣志云漢水重濁與大河相似襄陽實當其衝為患最劇自唐以來皆築堤遠城以防潰決明正統嘉靖間兩被漂溺皆以太隄廢損故也又云嘉靖四十五年漢水溢樊城城北舊有大隄城南面江一帶皆甃城盡潰決議者謂樊城潰則襄城無患於是疏塞不塞樊城之富庶漸衰又東南逕宜城縣東
宜城在府東南一百二十里水去縣四里又南逕鍾祥

縣西

鍾祥為安陸府治

又南逕荊門州東

荊門在府西九十里水去州一百二十里

又東

南逕京山縣西南

京山在府東一百五十里

又東逕潛江縣北

潛江在府南少

東二百十里水

去縣二十里

又東逕景陵縣南

景陵在府東南二百十里水去縣五十里

又東逕

沔陽州北

沔陽在府南少東三百三十里水去縣一百里州志云漢水由荊門州界折而東大小羣川咸匯焉勢成流濁浸淫盡決

為患無已而潛江地居汙下遂為眾水之壑一望瀰漫無復涯際漢水經其

間重湖浩渺經流支川不可辨也蓋漢水為湖北之害而襄郢二州為甚潛

江又承襄郢之委流當漢江曲折迴合之處豬為大澤勢不能免矣而景陵

沔陽又潛江之委流也今沔陽四境唯湖陂連亘幾數百里皆為漢水所匯

蓋漢水性曲往往十里九彎語曰勁莫如濟曲莫如漢郢沔之間波流迴盪

自必稍為藪澤小民見填淤之利復從而隄防之為民牧者又不講于節宣

之宜疏濬之理歲月之間苟幸無事大水時至則委之洪濤中耳童承叙曰

漢水至蜀與江湖水合其流必登故常增淤而沮澤之區因成沃壤民漸在

剽擊為阡陌又因其地之高下修隄防以障之入者廣輪數十里小者十餘

里謂之曰院其不可隄者悉棄為萊無昔時院必有長統丁夫主修葺其後

法久弊茲修不以時院愈多水愈迫客堤愈高土堤愈甲故水至不得覓

緩端怒迅激勢必衝激堤先受其害客堤隨之泛濫洶湧悉為巨浸矣又

東逕漢陽縣北

縣為漢陽府治水去縣三里

又東至大別山折而南

是爲漢口經所謂過三澁至吳別南入于江者也

隄防考云舊時漢水從黃金口入排沙之東其折抱牯牛洲至鵝谷口又西南轉北至郭師口對岸曰襄河口約長四十里然後下漢口成化初忽于排沙口下郭師口上直通一道約長十里漢水徑從此下而故道遂淤今魚利略存不通舟楫俗呼爲襄河以上流自襄陽來也按漢水本東行經漢陽波而南入江今則自郭師口以上決而東運大別山後入江非復古之夏洩矣漢志云東漢水一名洩

過江夏謂之夏水入江又云沮水南至沙羨南入

江過郡五武都漢中南陽南郡行四千里蓋曲莫如漢故其所

行有若是之遠也

東匯澤爲彭蠡東爲北江入于海

傳曰匯廻也以東廻爲彭蠡其西曰彭蠡之爲

澤實在大江之南然以地勢北高而南下故其入于

江也反爲江水所遏而不得遂因却而自豬以爲是

瀰漫數十百里之大澤

見九江彭蠡辨

程氏曰通禹貢一書水

之以小注大則爲入水力稍相參配則爲會而匯之爲義唯此有之以其力大而相衝蕩其狀回復宛轉無有此受彼聽之別故與他水合併爲一者不同也傅氏曰三江相會而南不能以敵中北西來之勢中北遏南而南相與迴旋而爲一大澤者其來久矣今禹本其有澤之因故歸之于漢曰東匯澤爲彭蠡而于江亦曰會于匯也黃氏潤曰敘江漢皆言東者主岷嶓居西而云非指曲折所向爲文也吳氏曰漢旣入江與江混爲一水而又曰東爲北江入于海有似別爲一水然何也蓋漢水源遠流大可亞晉江兩

相匹配與他小水入大水之例不同故於荊州書稱
宗于海必以江漢並稱蓋曰江之入海非獨江水實
兼漢水江固為江漢亦為江也故漢得分江之名而
為北江記其入海者著其為瀆也三瀆皆自為一瀆
惟江與漢共為一瀆導水九條始之以二水終之以
二水而中間記四瀆其一河一瀆也其二漢與江一
瀆也其三濟瀆其四淮瀆河瀆非無它水入之然皆
小水入大水故河得以大併小而專為瀆江漢體勢
均敵二水合流所以如此其大不以漢附于江而混
其入海之實故于漢于江並言入海而同為瀆也若
漢不為瀆則東為北江入于海七字衍文而其序當

殿導洛之後矣。漕按彭蠡三江見揚州漢既入江所
行與江同道故於導江下釋之。

傳云自彭蠡江分爲三入震澤遂爲北江而入海
下傳又云有北有中南可知是北江中江南江
爲三江也。今按禹貢三江只是一江而昔之言三
江者不一。漢志毗陵之北江蕪湖之中江吳縣之
南江皆曰揚州川蓋主職方而爲言。然周之三江
與古之三江豈容有二。羣言淆亂班固祿採入志
耳。吳越春秋所謂三江之口者酈元言雖稱相亂
不與職方同。可以正班固之失。夫職方之三江即
禹貢之三江也。旣不與職方同則亦與禹貢異而

蔡傳專主庾仲初之三江不已謬乎諸言北江者皆謂由毗陵縣北入海此卽蒯氏道下所謂東南至江都入海者也安國傳乃言江入彭蠡分爲三入震澤自震澤遂爲北江而入海則北江直是松江吾不知其爲何說矣總之大江與震澤本不相通說者據後世溝通江湖之遺跡命之曰中江南江而以大江爲北江與此二水者並列而爲三江固不察遂以爲職方之三江而尚貢之三江也此訛矣郭璞以岷江松江浙江爲三江視班固長然異源各派卽與導濠導江之義有礙求合于禹貢舍康成子瞻無可從者矣

王耕野云先儒有九江彭蠡辯其辯九江則是而
辯彭蠡則非彭蠡乃今之鄱陽湖其源固有豫章
諸江而其為澤則固江漢之所匯者也今春月江
水暴漲則匯而入湖蓋江流浩渺而其下束以小
孤山水道狹甚其勢不得不逆流而入此澤故有
發舟湖口無風而一夕達鄱陽之安仁者問其故
乃舟乘逆流其甚迅速猶隨潮而上者也故江水
之匯衆所共知今乃疑之顧弗深考耳且謂漢自
大別入江合流已七百餘里安能復識其匯澤者
為漢水邪亦可謂膠固之甚者矣夫單敘漢水源
流則其勢不得不以漢水為主但既云南入江

東匯澤爲彭蠡卽江漢共匯可知矣不成曰南入于江東與江共匯澤爲彭蠡然後爲明白邪又謂彭蠡在大江之南當曰南匯不當曰東匯匯旣在南則當曰北爲北江不當曰東爲北江其論南北反戾幾爲可笑蓋江漢兩水皆發源西蜀而東流入海獨漢水到大別入江則折而南流與江相合仍東流而匯爲彭蠡又東流爲北江以入海其東西南北以天下大勢論不主一江南北而言也今若欲改云南匯彭蠡則是南流入江之後又南匯彭蠡則漢水當逆流向洞庭矣匯澤之後不云東爲北江而云北爲北江則漢水又當決破安慶橫

入淮河矣

朱子之爲辯也其說甚長大指謂彭蠡有源三江不分而已然東匯澤爲彭蠡元非謂彭蠡無源全賴江漢之水南注以成其澤也讀者以辭害義而疑經爲誤朱子云爲江水所遏因却而自豬正合經意蔡傳併此數語刪之而經文真成純繆矣揚州之三江主合不主分導水雖有北江中江之目亦就嶓漢言之則爲北江就岷江言之則爲中江云爾非劃然分爲二派也故三江不分亦無害於經事若味別洲別之論不足詳辯南匯北爲之說未免過求夾漈衍十三字斷不可從而三苗負固

官屬不敢深入尤爲賸語故雖以紫陽之明訓而
學者疑焉終不能怡然理順也蔡氏巢湖一段朱
子所無謂官屬錯比彭蠡於巢湖則又莫須有之
獄矣

廿

燕

禹貢錙指卷第十四上

評

原书缺页

禹貢錐指卷第十四下

德清胡渭學

岷山導江東別為沱

林氏曰自江水溢山別為支派者皆名為沱梁荆二州皆有之也渭按岷山詳見導山荀子云江出汶山其始發源可以濫觴地理志云禹貢嶓山在蜀郡潯氐道西徼外江水所出沱謂梁之郫江荆之夷水也詳見梁荆二州東別為沱者謂江水東流而別為沱以大勢言之江自梁而荆皆東也傳云江東南流沱東行非是

正義云以上云浮于江沱潛漢其次自南而北江在沱南知江東南流而沱東行是專以荊州之沱

釋傳也蔡傳云沱江之別流于梁者則又遺却荆
州之沱東至于澧相去不太闊絕乎唯林氏兼二
州言之確不可易

水經注岷山在蜀郡氐道縣大江所出江水自天

彭闕東逕汶關而歷氐道縣北

漢武帝分蜀郡北郡置汶山郡以統之縣本秦始皇置後

為昇遷縣也按氐道即蒲氏道蜀漢曰氐道晉改名升遷今四川松潘衛治是也又逕汶江道汶水注

之水出徼外嶓山西玉輪坂下而南行又東逕其縣而東注于大江又東

別為沱開明之所鑿也郭景純所謂玉壘作吏別之標者也按汶水亦

名玉輪江方輿勝覽云在汶川縣北三里玉壘山元和志云在汶川縣東北

四里也縣北去茂州百里本漢緜縣故縣今為保縣江注自古有之非

志曰七國時杜宇稱帝于蜀號望帝其相開明決玉壘山以除水害而

位于開明此說出焉唯蜀上本無汶漢志汶江縣有江沱立石南入江

夫縣為七國時開明所鑿則汶水有汶水入焉

貢之江沱亦不待辨而自明矣

半汶水也益州記曰汶水入焉

羊膊嶺下緣崖散漫小六百數治未濫鯨矣東

下百餘里至白馬嶺而歷天彭關亦謂之天谷

王以李冰為蜀守冰見氏道縣有天彭山兩山相對其形如關謂之天彭關亦曰天彭關江水自此已上至微弱所謂發源為觴者也漢元和中岷山崩

壅江水三日不流按通典彭州導江縣西有天彭關兩山相對如關亦名取此導江即今灌縣西北去松潘六百餘里非益州記之所謂天彭關也

白馬嶺回行二十餘里至龍涸

丹靈縣後魏時陷于吐谷暹周天和元年改置龍涸郡嘉

誠縣龍涸亦曰龍鶴華陽國志云蜀時以汶山險要自汶江龍鶴丹驪白馬

匡明皆置戍守元和志雲山在松州嘉誠縣東八十里春夏常有積雪甘松嶺

在縣西南十五里龍涸故城俗名防運城在翼州衛山縣北十一里城

之北境舊為十谷渾所居故曰防渾笮橋在縣北三十七里祭北江水

又南下六十里至石鏡

元和志

詳未

又南

六十

餘里

而至

北部

始百

餘步

又西

百二十

餘里

至汶

山故

郡

乃廣

二百

餘步

漢元

鼎六

年以

冉驪

地置

汶山

郡治

汶江

縣地

節三

年郡

廢縣

屬蜀

郡建

安中

先生

定蜀

復分

置汶

山

故郡

乃廣

二百

餘步

漢元

鼎六

年以

冉驪

地置

汶山

郡治

汶江

縣地

節三

年郡

廢縣

屬蜀

郡建

安中

先生

定蜀

復分

置汶

山

故郡

乃廣

二百

餘步

漢元

鼎六

年以

冉驪

地置

汶山

郡治

汶江

縣地

節三

年郡

廢縣

屬蜀

郡建

安中

先生

定蜀

復分

置汶

山

故郡

乃廣

二百

餘步

漢元

鼎六

年以

冉驪

地置

汶山

郡治

汶江

縣地

節三

年郡

廢縣

屬蜀

郡建

安中

先生

定蜀

復分

置汶

山

故郡

郡治汶江縣今茂州是也其故城在州北三里晉移郡于縣虎縣界改文曰廣陽屬焉在今州南二百里故謂漢所置曰汶山故郡即宣帝廢為蜀縣

北部者也隋改廣陽曰汶山縣復置汶山郡元和志云有汶山即岷山去青城百里又西南百八十里至濕

坂江稍大矣河圖括地象岷山之精上為井絡帝以會昌神以建福故書曰岷山導江泉流深遠盛為四瀆之首按元志

濕坂在茂州汶川縣南一百二十七里嶺上樹木森沉常有水滴未嘗暫燥故曰濕坂自大江泉源至江稍大矣皆益州記語江水又

歷都安縣李冰作大堰於江作壩壩有左右口謂之湔壩江入郫江檢江以行舟益州記曰因山頽水坐致竹木蜀人旱則藉以為

溉雨則不過其流故記云水旱從人不知饑饉沃野千里世號陸海謂之天府也俗稱都安之堰亦曰湔堰又曰金隄左思蜀都賦云西踰金隄者也諸

葛亮北征以此堰農本國之所資以征丁千二百人主護之有堰官按郫安本漢縣鹿野江原三縣山蜀漢分置都安縣屬汶山郡唐改曰導江屬成都

府明為灌縣都安故城在縣東都安堰在縣西華陽國志曰李冰壅江作壩穿郫江檢江別支流雙過郡下以行舟船蓋以郫檢為二江檢江即任豫之

所謂流江也又有捷尾堰元和志云在導江縣西南二十五里李冰作之以防江決破竹為圓徑三尺長十丈以石實中累而壅水又逕

臨邛縣漢屬蜀郡今邛州是又逕江原縣鄴江水出焉江原今為崇慶州漢志江

原縣鄴水首受江南至武陽入江武陽今邛州及新津仁壽井研三縣地也江水又東北逕郫縣下

元和志故州城

在縣北五十步

又東逕成都縣

縣有二江雙流郡下故揚子雲蜀都賦曰兩江珥其前也風俗通曰

秦昭王使李冰為蜀守開成都兩江溉田萬頃按成都故城即今縣治蜀王開明故都也秦置成都縣舊有大城少城羅城羊馬城

又東

逕廣都縣

江北則左對繁田文翁又穿湔漣以激灌繁田一千七百頃其水又東經懸洛逕五城界至廣都北岸南入于江謂之五

城水口斯為北江水又東至南安為碧玉津故方思云東越玉津也按漢蜀郡有廣都縣其故城在今成都縣東南新津縣東北繁田繁縣之田今為新

繁也又東南過犍為武陽縣與鄆江合青衣水沫水

從西南來合而注之

縣故大夜郎國漢武帝開道置以為縣有鄆江入焉出江原縣首受大江東南流至武陽

縣注于江江水自武陽東至彭二聚曰外水又東南逕南安縣西有熊耳峽連山峻險接嶺爭高有地名寧城即李冰所平也縣治青衣江會衿帶二

水即蜀王開明故治縣南有義智山有涑水即大渡水發蒙溪東南流與涑水合又東入江按犍為郡有南安縣今嘉定州及夾江犍為洪雅等縣皆其

地武陽已見前

又東南過犍道縣北若水淹水合從西來注

之武帝感相如之言使縣令南通犍道費功無成唐蒙南入斬之乃鑿石開閣以通南中道于建寧二十餘里山道廣丈餘深三四丈其蓋之跡

猶存縣江中崖峻峭險不可穿鑿李冰乃積薪燒之故其處懸巖猶有赤白玄黃五色焉按犍道屬犍為郡今為宜賓縣敘州府治若水出蜀郡旌

牛徽外東南流至越雋會無縣合淹水又東北至朱
提縣西為瀘江水又東北至楚道縣入江詳見

水出寧州南廣郡南廣縣導源汾關山北流
楚道入江按故符縣在今敘州府合江縣西
又與符黑水合

洛水從三危山東過廣魏洛縣南東南注之
洛水出洛縣章

山南運洛縣故城南又南運新都縣與縣水滸水合亦謂之鄂江也又運健
為合牛鄂水又東運資中縣安漢縣謂之縣水以上諸縣咸以溉灌故語曰

縣洛為浸沃也縣水至江陽縣山下入江謂之縣水口曰中江江陽縣枕
帶雙流據江各會也按江陽屬犍為郡今敘州府富順縣及瀘州納溪江安

皆其地漢志廣漢郡雒亭山雒水所出幸至新都北入滸縣竹縣紫巖山
縣水所出東至新都北入雒縣洛會滸以別為之故縣虎縣下云滸水東南

至江陽入江過郡三行千八百九十里也屬注言滸水至廣都北岸入江蓋
特其枝津相通耳正流則固合縣洛至江陽入江也滸水與鄂江通波故曰

縣洛與滸水合
亦謂之鄂江
又運安漢縣北
江陽郡治也故犍為岐江
又東運

樊石灘大附灘
頻歷二險
又東過符縣北又東北至巴

郡江州縣東強水涪水漢水白水宕渠水五水合

南流注之
險入即羌水也宕渠水即潯水合水矣巴水出晉昌郡宜
縣巴嶺山西南流歷巴中運巴郡故城南西南入江庾仲

所謂江州縣對二水口左則涪內水右則蜀外水即是水也江州故巴子秦置巴郡按江州今爲巴縣江津綦江二縣亦其地漢志廣漢郡剛道涪水出徼外南至墊江入漢墊江今合州也漢水即嘉陵水巴水一名北水其下流爲宕渠水酈注云即潛水此宕渠之潛非漢壽之潛也詳見梁州又

東至枳縣西延江從牂柯郡北流西屈注之東運關巴子

梁江之兩岸猶有梁處巴之三關斯爲一也江水又東右運黃葛峽又左運明月峽東至黎鄉歷雞鳴峽江之南岸有枳縣治華陽記曰在巴郡東四百

里治涪陵水會庾仲雍所謂有別江出武陵者也水乃延江之枝津北注運涪陵入江故亦云涪陵水也江水又東運涪陵故郡北按陽關在今巴縣東

漢枳縣屬巴郡今重慶之涪州及長壽豐都二縣皆其地涪陵亦屬巴郡今黔州彭水武隆三縣是也 又運東望峽東

歷平都華陽記曰巴子雖都江州又治平都即此按後漢析枳縣地置平都縣今豐都是也 又運虎鬚灘

灘水廣大夏斷行旅按今忠州西二里有石梁曰三十餘丈橫截江中俗呼倒鬚灘即此虎鬚灘也 又東運臨江縣南

華陽記曰縣在枳東四百里東接胸忍縣 又東得華水口左運

按漢臨江屬巴郡今爲忠州及墊江縣 又東得華水口左運

石城南庾仲雍曰臨江至石城黃華口一百里 又東至平洲洲上多居民 又東運界

壇是地巴東之西界益州之東境故得名 又東右得龜谿口華陽記曰胸忍縣龜龜出此谿 又東

會南北集渠

二谿水出涪陵縣界

又東逕羊腸虎臂灘

楊亮為益州至此舟

覆瓿其波瀾蜀人至今猶名之為使君灘

又東彭水注之

水出巴渠羣嶺中東南流逕彭縣西六十里南流注于江謂

之彭溪口又東逕胸忍縣故城南

常璩曰縣在巴東郡西二百九十里按漢胸忍屬巴郡胸音劬全雲

陽高縣是也

又東逕瞿巫灘

即下瞿灘也又謂之博望灘

又東逕陽灘

江上有破石故

亦謂之破石灘

又東逕魚腹縣之故陵

江側有六大陵庾仲雍曰楚都丹陽所葬也按漢魚復屬巴郡

今為奉節縣楚故陵存縣西接雲陽縣界

又東逕南鄉峽又東逕永安宮南

劉備

終于此諸葛亮受遺處也其間平地可二十里許江山迴闊入峽所無按永安宮城即今奉節縣治

又東逕諸葛亮園

壘南

今奉節縣南有八陳圖噴

又東南逕赤岬西

赤岬一作赤甲山在奉節縣東十五里

又

東逕魚復縣故城南

故魚復地理志江關都尉治也巴東郡治白帝山城西南臨大江關之眩月江中有

孤石為湍預石冬出水三十餘丈夏則漫亦有裁出矣縣有夷黔即很山清江也縲所謂夷水出焉按魚復故城今奉節縣北三里赤甲城是也白帝山

在縣東元和志云即州城所據與赤甲山相接

又東逕廣谿峽

斯乃三峽之首也其間三

北岸有白鹽崖千餘丈峽中有瞿唐黃龍二灘夏水迴復沿沂所自昔禹鑿以通江郭景純所謂巴東之峽夏后疏鑿者按白鹽山在奉節縣

東隔江十里又東有黃龍灘虎鬚灘又東出江關入南郡界又東逕弱關捍關廩君浮夷水

所置也弱關在建平秭歸界昔巴楚數相攻伐藉險置關以相防捍秦兼天下置南郡自巫山皆其域也按後漢岑彭傳注江關舊在赤甲城後移

在江南岸對白帝城在今魚復縣南秭歸今歸州是也捍關在今長陽縣南又東逕巫縣南鹽水從

縣東南流注之又東烏飛水注之又東逕巫縣故

城南縣故楚巫郡秦省郡立縣以隸南郡緣山為壙南臨大江故謂之壘國按巫縣故城在今夔州府巫山縣東北壘字記云晉移今治在壘

州東南七十二里又東逕巫峽杜宇所鑿以通江水也郭仲產云按地理志巫山在縣西南而今縣東有巫山將郡縣界治無

恒故又東逕新崩灘此山漢和帝永元十三年崩晉太元二年又崩當崩之日水逆流百餘里湧起數十丈其下十

餘里有大巫山首尾一百七十里謂之巫峽自三峽七百里中兩岸連山略無闕處非亭午夜分不見曦月至乎夏水襄陵沿沂阻絕王命急宣有詩朝

發白帝暮到江陵其間千二百里雖乘奔御風不以疾也又東逕石門灘今巴東縣東又東逕

秭歸縣南又東逕其城北城北對丹陽城南枕大江楚子熊繹始封丹陽之所都也按今歸州治即

種歸故城其丹
陽城在州東

又東南逕夔城南

熊擘始治巫城後疾移此今在歸州東南

又東逕

歸鄉故城北

城在歸州東南大江南岸

又東逕信陵縣南

信陵縣在歸州東有

又

東逕夷陵縣南

江水自建平至空冷峽即宜都建平二郡界也按夷陵漢南郡都尉治空冷峽在歸州東南三十里

又東逕宜昌縣之流頭灘

其水並峻激奔瀑魚鼈所不能游行行者常苦之袁宏曰自蜀至此五

千餘里下水五日上水百日也按流頭灘在今夷陵州界

又東逕宜昌縣北

分夷道狼山所立也縣治北枕大江與夷

陵對界今夷陵州西有宜昌故城

又東逕狼尾灘而歷人灘

二灘相去二里入灘水至峻峭又

東逕黃牛山

下有灘名曰黃牛灘南岸重嶺疊起最外高崖間有石如人負刀牽牛人黑牛黃成就分明雖途經信宿猶望

見此物故行者謠曰朝發黃牛暮宿黃牛言水路紆深迴望如一矣山今在夷陵州西

又東逕西陵峽

宜都記曰自

牛灘東入西陵界至峽口一百許里兩岸高山疊嶂非日中夜半不具日月絕鮮或千餘丈所謂三峽此其一也今在夷陵州西北二十里

廬

禹斷江

南峽北有北谷村兩山間有水清深潭而不流者老傳言曰是大江及禹治水此江小不足瀉水禹更開今峽口水勢并急此

江遂絕于今謂之斷江也今夷陵州西南有崑江山

出峽東南流逕故城洲

洲附北岸上步開故城洲西

又東逕故城北所謂陸抗城也今在夷陵州東南大江南岸又東

逕白鹿巖又東歷荆門虎牙之間荆門在南虎牙在北此山楚之西塞也水勢

急峻故郭景純江賦曰虎牙桀巖以屹卑荆門闕疎而盤薄圓淵九廻以懸騰瀉流雷响而電激者也按夷陵新志云虎牙山在州東南五十里礮石大

小蹲踞隱見正如虎牙戟列舟人望而避之乃由荆門而上是虎牙更險于荆門也又東南過夷道縣北夷

水從佷山縣南東北注之漢武伐西南夷路由此出故曰夷道其故城在今宜都縣西佷山故城在

今長楊縣西夷水詳見梁州此禹岷山導江東別為沱之所經也以

今輿地言之江水出四川松潘衛徼外岷山流逕

衛北衛本禹貢梁州之域後為氏羌地漢置湔氐道屬蜀郡唐為嘉誠縣松州治明置松潘衛屬四川都司在成都城西北七百六十里元和

志江源鎮在松州交又東南逕壘溪營西營在茂州西北一百二十里本漢蜀郡蠶陵縣

唐為翼州元和志大江經翼州城西又經翼水縣又東南逕茂州

西茂州在成都府西北四百十五里本漢汶江縣後屬改曰汶山縣唐為茂州治元和志汶江北自翼州流經汶山縣西二十里又西

南逕威州西玉輪江注之

威州在府西四百五十里本漢廣柔縣唐為歸德縣維州治其故城在

今州北高峒山上亦曰姜維城州西北有滴博嶺玉輪江即汶水

又西南逕保縣西

保縣在茂州西南四十里

本漢縣虎縣後周爲汶川縣江源記岷江南入溢村逕石紐至汶川轉銀嶺合草坡河至蠶崖入灌口括地志石紐山在汶川縣西七十三里

東南逕灌縣西沱水出焉

灌縣在成都府西少北一百五十里唐爲導江縣元和志大江西

自茂州界流入逕青城縣北二里寰宇記大阜江自灌口流經青城縣北入溫江縣界青城廢縣在今灌縣西南玉壘山在縣西北離堆在縣西南或曰即灌口山宋河渠志阜江支流迤北曰都江口置大堰疏北流爲三東曰外應口溉導江新繁新都達于金堂東北曰三石洞口溉導江崇寧九隴濠陽達于漢之洛東南曰馬騎口溉導江崇寧野溫江成都華陽灌縣舊志大江經縣西三十三里分爲二派其一東南經崇慶州至新津者今謂之南江其一東循灌城者今謂之北江北江又分爲三派其一東南逕溫江過府城南入新津合大江者爲流江其一自縣寶瓶口直東入五斗口東北經郫新繁過府城北折而南合流江者謂之郫江其一自寶瓶口東北穿三洞洞又東北經新繁新都至漢州入雒者爲雒水參考諸說大阜江即郫水實岷江之正流有元和寰宇九域等書可證郫江即禹貢梁州之沱流江乃李冰之所穿與郫江爲一江者郫江號北江唯東合滿雒又東南至江陽入江者爲禹貢之江沱餘皆後人所穿或曰郫江創自

江水又東南逕溫

江縣西崇慶州東

元和志大江俗謂之温江南流經縣西一里震

宇記鄴江一名阜里水自青城縣南流經温江縣入江原縣界成都新志云

大阜江本岷江正流自離堆墜後乃以流江為正流而以此為南江崇慶在

府西南五十里

又東南逕新津縣東北

本縣也

又東南逕眉州東

眉州本漢武陽縣元和志大江亦名導江在彭山縣東七里又經通義青神二縣東

皆去縣三十里今州北有武陽故城隋改武陽曰通義唐為眉州

治彭山故城在州北青神故城在州南

本朝康熙六年併入

嘉定州東

嘉定本漢南安縣地後周分置平羌縣隋改曰青衣又改曰龍游為嘉州治棠字記導江水在平羌縣西二十步又云大

江自平羌流入龍游縣界按

羌即今峨眉縣在州西六十里

又東南逕犍為縣北

犍為縣東十步按玉津唐屬嘉州其廢址在今縣北

又東南逕

宜賓縣東北合馬湖江

宜賓為敘州府治本漢雙道縣犍為郡治元和志汶江流逕雙道縣東北去犍

十步馬湖在縣西二十一里按馬湖江在縣南門外即若水下流亦

又

東南逕南溪縣南

南溪在府東南一百二

又東逕江安縣

北江在瀘州西南

又東逕納溪縣北

納溪在州西南四十里亦漢江陽縣地

又

東北逕瀘州東南沱水合瀾諸水從西北來注

之

瀘州本漢江陽縣今州治即其故城隋改縣曰瀘川唐為瀘州治楚陽關志江陽江中有大關小關季春黃龍堆沒關即平元和志汶江水經

瀘川縣南三十步寰宇記謂之瀘江按雒江在州北亦曰瀾水亦曰縣水互受通稱漢志云瀾水出玉壘山東南至江陽入江水經注云雒水與縣水合

又與瀾水合亦謂之

沱水自灌縣西南首受大江東逕郫

縣北郫縣在成都府西四十五里漢志蜀郡郫縣禹貢江沱在西又東

逕新繁縣南

新繁在府西北五十六里本漢繁縣地志謂曰繁首受郫江即禹貢江沱也元和志郫江在新繁縣南

一里九域志新繁有都江即所謂成都江也

又東逕成都縣北

漢書縣蜀郡治今為四川布政司成都府治水

經津成都直西門曰郫江其源在郫縣田志郫江一名成都江又東

逕新都縣南

新都石井其源在漢縣又東逕金堂縣南金堂在府東北七十里本

漢新都牛鞞三縣地郫江至縣東南合瀾水亦曰五城水酈道元云瀾水長純絲綿連五城界今廣都其源南入于江謂之五城水口此涪水枝連自五

咸都城東南入流江也 又東南逕龍州北

又東南逕資陽縣西 資陽州東南六十里本漢資中縣地 又南逕資縣西

資縣在府東三百里本漢資中縣 又南逕富順縣東 富順在敘州府東北一百八十里本漢江陽縣地 又

東南逕瀘州北 又東南與江水會 鄒道元云縣水至江陽縣方山下入江

水口蓋自五城以下渝縣縣者互受通稱縣水口即沱水口也 江水又東逕合江縣北 合江縣瀘州東

一百二十里本漢符縣 又東北逕江津縣北 江津在重慶府南一百八十里本漢江州縣地 又東

北逕巴縣東南西漢羌白涪巴渝諸水自北來注

之 巴縣為重慶府治本漢江州縣後周改曰巴縣唐為渝州治按自渝上合州者謂之內江庾仲雍所云涪內水是也自渝戎瀘上蜀者謂之外

江庾仲雍所云 又東北逕長壽縣南 長壽在府東三百三十里本隋巴縣地 又東

逕涪州北涪陵江水自南來注之 涪州在府東四百五十里本漢枳縣隋改置涪

陵縣唐為涪州治大江在州北方輿勝覽謂之蜀 又東北逕鄧都縣 江自成都登舟十二程至此合黔江即涪陵江也

南郡都在忠州西二百里本漢枳縣地又東北逕忠州南忠州在府東千里本漢臨江縣又東

北逕萬縣南萬縣在夔州府西四百五十里本漢胸忍縣地又東北逕雲陽縣南

雲陽在府西一百七十里本漢胸忍縣後周改曰雲安寰宇記蜀江在雲安縣南三十步又東逕奉節縣南夷

水故道出焉奉節夔州府治本漢魚復縣唐改曰奉節瞿塘峽在縣東即古廣谿峽也寰宇記云灑瀨堆周圍二十丈在夔

州西南二百步蜀江中心瞿塘峽口冬水淺屹然露百餘丈夏水漲沒數十丈亦曰僑豫言舟子取途不決水脈也范成大吳船錄云峽中兩岸高巖峻

壁斧鑿之痕鉞鉞然有黑石灘最號險惡按夷水一名清江詳見荊州又東逕巫山縣南巫山縣在府東一百

三十里本漢巫縣巫峽在縣東四十里吳船錄云自巫縣下巫峽灘龍又獨險瀉流洄狀其危又過夔峽三十五里至神女廟廟前灘尤洶怒

東逕巴東縣北巴東在湖廣歸州西九十里本漢巫縣地梁為歸鄉縣又東逕歸州南

歸州在荊州府西五百二十五里本漢秭歸縣又東逕夷陵州南夷陵在荊州府西少南二百里本漢夷陵縣

又東逕宜都縣北與夷水合宜都在州東南九十里本漢夷道縣夷水本

首受奉節縣之大江今建始縣北建始在夔州府東南本漢巫縣地晉置建始

縣屬建平郡唐屬施州縣在至丹一百二十里夷水故道自巫山縣南流入縣界其故道皆已墜塞唯

從縣南受施州衛開蠻界水東逕巴東長陽長陽在夷陵川

西南八十里本漢猇山縣屬武陵郡隋更名長楊唐改楊為陽其故城即今治縣南七十里廢巴山縣即古捍關至宜都縣北

又東入于江經所謂東別為沱者禹所導一為梁州之沱今鄆江是也一為荊州之沱古夷水是也

附論江源

華陽國志曰岷山一名沃焦山其跗曰羊膊江水所出

李膺益州記曰羊膊嶺水分二派一東南流為大江

一西南流為大渡河

太平寰宇記曰羊膊山在平康縣縣屬松州隋志平康縣有羊膊山腸蓋膊字之誤

山下有二神湫大江始發之所

范成大吳船錄曰江源自西戎來由岷山澗壑中出而合于都江今世所云止自中國言耳

陸游入蜀記曰嘗登岷山欲窮江源而不可得蓋自蜀郡之西大山廣谷豁舒起伏西南走蠻箐中皆岷山也則江所從來遠矣

王應麟通鑑地理通釋曰大渡河一名羊山江源出鐵豹嶺嶺即羊膊之異名也

金履祥書注曰岷山數百峰大酉山爲最大雪山三峰闖其後冬夏如爛銀一谷名鐵豹嶺者有西岳廟廟下名羊膊石江水正源也其西南分一源又爲大

渡河矣

按諸家言岷山所在不一而足然山雖廣遠而江水所出必有定處近世無能窮其源者隋經籍志有尋江源記一卷今不傳未知其說云何據漢志言江水出湔氐道西徼外則當以酈注所引益州記爲正自晉以下說江源者皆云出羊膊嶺與益州記同羊膊嶺一名鐵豹嶺計益州記江水發源自羊膊嶺東南下二百餘里至西陵又南下二百四十里至汶山故郡即今茂州是也然則江源在茂州之西北去州四百四十餘里亦可謂遠矣而范至能陸務觀乃云江源出西戎不可窮極蓋以

唐人言江源自松州甘松嶺始

元和志松州治嘉誠縣南至翼州一百八十里甘松嶺在

縣西南十五里交川縣北至州三十四里江源鎮在縣西北三十里

而當時又有謂羊膊嶺在茂

州列鵝村者其地太近故爲是說非謂江源更在羊膊之外也近志引江源記云岷江發源于臨洮木塔山山頂分東西流南流八百里經甘松嶺又南經漳臘堡西其水漸大復經鑱刀灣達松潘下水關臨洮今陝西洮州衛也在松潘之東北江源果發此則又自東北而來與氐道西徼外之岷山相去懸絕爲此說者蓋因隋志云岷山在臨洮郡臨洮縣括地志云岷山在岷州溢樂縣見有一水自木塔山來入江者遂以爲江水發源彼中明與

漢志相背無稽之言不可從也

錢謙益徐霞客傳曰霞客名弘祖江陰人平生好遠遊其行也從一奴或一僧一杖二襪被不治裝不裹糧能忍飢數日能遇食即飽能徒步數百里凌絕壁冒叢箐扳援上下懸渡縋汲捷如青猿健如黃犢嘗過麗江憩點蒼由雞足而西出玉門關數千里至崑崙山窮暹宿海去中夏三萬四千三百里登半山風吹衣欲墮又數千里與西番還至峩眉山下託估客以溯江紀源一篇寓余言禹貢岷山導江乃汎濫中國之始非發源也中國入河之水爲省五入江之水爲省十一計其吐納江倍于河按其發源河自崑崙

之北江亦自崑崙之南非江源短而河源長也又辨
三龍大勢北龍夾河之北南龍抱江之南中龍中界
之特短北龍祇南向半支入中國惟南龍磅礴半宇
內其脈亦發于崑崙與金沙江相並南下環滇池以
達五嶺龍長則源脈亦長江之所以大于河也其書
數萬言皆桑經鄺注及漢宋諸儒疏解禹貢所未及
余撮其大略如此

古書言崑崙者非一處一在槐江山南一在西海
之外山海經所言是也一在于闐漢武所名之山
是也一在吐蕃劉元鼎所稱紫山者是也霞客云
河出崑崙之北江出崑崙之南其所謂崑崙者在

何地乎據彼言出玉門關數千里至崑崙則崑崙
當在西域玉門以東即是中夏之地既云出玉門
數千里何又云去中夏三萬四千餘里乎即謂星
宿海有若是之遠亦屬妄言昔劉元鼎奉使自廓
州洪濟梁南行二千三百里便得崑崙東距長安
止五千里而都實使還自星宿海東北至崑崙亦
不過三十日程何至如霞客所言之遠且西域之
崑崙與星宿海絕無交涉萬季野云朶甘思去雲
南麗江西北止一千五百里去四川馬湖正西亦
止三千里苟欲窮星宿海既至雞足山便當由麗
江而往不半月即可達其地舍此不由而更遠走

玉門關何也玉門東距肅州之嘉峪關約九百里
嘉峪南至麗江約五千里朶甘思去玉門則六七
千里矣不走千五百里之近而走六七千里之遙
必非人情意者以漢武所名之崑崙即都實所指
之崑崙乎夫漢之崑崙在于闐元之崑崙在吐蕃
相距可四五百里而霞客乃渾而一之其不學無
識一至此乎余謂霞客所言東西南北茫然無辨
恐未必身歷其地徒恃其善走大言以欺人耳非
但不學無識也牧齋以爲能補桑經酈注及漢宋
諸儒疏解禹貢所未及過矣或曰僧宗泐云黃河
出西番抹必力赤巴山東北流爲河源西南流爲

犛牛河犛牛河所麗水一名金沙江者自麗江
界東北流合若水爲瀘水又東北至敘州府而注
于江霞客言江源自崑崙之南殆謂此耳然抹必
亦赤巴非崑崙也且岷山導江經有明文其可以
麗水爲正源乎霞客不足道牧齋一代鉅公文采
炫燿最易動人故吾特爲之辯

又東至于澧過九江至于東陵

釋文澧音禮渭按澧
史記漢書並作禮

傳曰澧水名東陵地名正義曰鄭玄以此經言過言
會者皆是水名言至于者或山或澤故以合黎爲山
名澧爲陵名孔以合黎與澧皆爲水名楚辭云濯余
佩兮澧浦是澧亦水名也九江禹前先有其處今導

水過之非別有九江之水夏氏曰曾彥和云巴陵與夷陵相爲東西夷陵亦曰西陵則巴陵爲東陵可知許慎云迤邪行今江水過洞庭至巴陵而後東北邪行合于彭蠡則九江不在尋陽明矣蔡氏曰九江見荊州東陵巴陵今岳州巴陵縣也地志在廬江西北者非是傅氏曰江水別而爲沱其經流則東至于澧也渭按地理志武陵郡充縣歷山澧水所出東至下雋入沅過郡二行千二百里充縣今爲九谿永定二衛屬湖廣岳州府巴丘山在府城內西南隅亦名巴陵又名天岳山水經注湘水北至巴丘山入江是也

鄭氏以澧爲陵名可也而又云今長沙郡有醴陵

縣其以陵名爲縣乎按郡國志醴陵縣屬長沙郡
本漢臨湘縣地後漢析置醴陵西北距澧州五百
百里大江安得至其地鄭謂因醴陵以名縣蓋據
史記漢書澧皆作醴故附會其說大非不可從曷
氏云澧州在江南無非山澤澧陵是小山因水而
得名者此說近是然水或因山以得名亦未可知
巴丘山臨大江今岳州府城其遺址也吳使魯肅
以萬人屯巴丘即此尋江記云羿屠巴蛇于洞庭
其骨若陵故謂之巴陵事涉誕妄郭景純江賦所
稱巴陵地道則指謂此山矣

水經注江水自夷道縣北合夷水又東逕枝江縣

南沮水從北來注之

漢志南郡枝江縣故羅國其故城在今枝江縣東

又東逕上

明城北

晉太元中苻堅寇荊州刺史桓冲徙渡江南使劉波築之移州治城也江汜枝分東入大江縣治洲上故以枝江為稱地理志

曰江沱出西東入江是也咸弘之曰縣舊治沮中後移出百里洲西去郡一百六十里縣左右有數十洲繁布其中其百里洲最為大也按上明城在今

松滋縣界百里洲在今

枝江縣東北六十里 又南逕江陵縣南

縣江有洲號曰枝迴洲江水自此兩分而為南

北江也按枝迴洲在江陵縣西南六十里寰宇記引荊州圖曰百里洲其上寬廣土沃人豐洲首派別南為外江北為內江

又東逕

江陵縣故城南

故楚也今城楚船官地春秋之渚宮城南有津津曰江大自此始家語曰江水至江津非方舟避風不可

涉也故郭景純云濟江津以起漲言其深廣也按江陵故城即今荊州府治江水自枝迴洲分流至此復合勢益大

又東逕郢城

南 子囊遺言所築城也今

在江陵縣東北三里 又東至華容縣西夏水出焉

水

左逸為中夏水按漢志南郡華容縣夏水首受江東入河行五百里華容故城在今監利縣界

江水又東涌水注

之 春秋所謂闔敷游涌而

又逕南平郡孱陵縣之樂鄉

北 城在今松滋縣東

又東逕公安縣北

今公安縣東北五十

又右

陽岐山北

華容尉治

又東有遷石首山北又東逕

婁

婁婁州名在大江中按石首山在石首縣西北孫宗鑑曰自竟陵而

又東至長沙下雋縣北澧水沅水資水合東流注

于洞庭之陂湘水從南來注之所謂江水會者也

下雋故城在今武昌府通城縣西巴陵亦下雋地洞庭湖在其西南湘水篇

云湘水東北流逕長沙下雋縣西會資沅微澧四水同注洞庭而北會大江

名之五渚巴丘山在湘水右岸山有巴陵故城西對長洲南勝湘浦北對大

江三水所會謂之三江口詳見荊州孫光憲北夢瑣言云湘江其流至岳陽

達蜀江夏潦後蜀江漲遏住湘波溢為洞庭湖凡數百里而

君山宛在水中秋水過此山復居于陸唯一條湘川而已

以今輿地

言之江水自宜都縣北合夷水又東逕枝江縣北

枝江在荊州府西一百七十里百里洲在縣東北六

十里嘉靖初為江水衝斷今為上百里洲下百里洲

又東逕松滋縣

北

松滋在府西南一百

又東逕江陵縣南

江陵荊州府治隄防考

二十里本漢高縣地

而北而東而南勢多紆折南北兩岸俱平行下隰水易漫流故有決溢之害

濱江諸縣皆築隄以為岸衛自松滋至巴陵之城隄磯長亘六百餘里北岸

有陽州茅埠隄長百七十餘里咫尺不堅千里為壑

又東逕公安縣北

公安在府東南一百二十里本漢孱陵縣

有涪陽鎮在公安故城東南

又東逕石首縣北

石首在府東南一百一十里本漢華容縣地

又東

逕監利縣西華容縣北

監利在府東南二百里本楚容邑漢置華容縣三國吳析置監利縣其故城在

今縣東北章華臺在縣西北六十里夏水篇云夏水東經華容縣南又東逕

監利縣南韋昭曰亦名夢在華容縣郭景純言東南巴丘湖是也今岳州府

亦有華容縣在府西少北一百五十五里本漢孱陵縣地晉分置南安縣隋更名華容非古華容也

又東至巴陵縣

西北會洞庭之水

巴陵岳州府治本漢下雋縣地荆江口在縣西北洞庭水入江處亦名西江口又名三江口元

和志巴陵城對三江口岷江為西江澧江為中江湘江為南江按三江口北岸有楊林浦一名楊葉洲蓋即水經注所謂巴陵故城西對長洲者

此

後世大江之經流酈道元所稱北江者也禹之所

導則異於是袁中道澧遊記曰酈道元注水經於

江陵枚廻洲下有南北江之名南江即江水由澧

入洞庭道也陵谷變遷今之大江始獨專其澎湃

而南江之跡稍稍潭滅僅爲衣帶細流然江水會

澧故道猶可考云今按小脩此義最爲精覈水經

注澧水出武陵充縣西歷山東過其縣南今岳州府

轄永定九溪二衛皆漢充縣地歷山在永定衛西澧水自衛界流逕九溪衛西又東婁水入焉水出巴東

陽縣注于澧水又東逕零陽縣南今慈利縣北又東逕澧陽縣右

會漂水謂之漂口今石門縣西北有漂水又東逕澧陽縣南縣南臨澧水首

澧州西一百十里又東逕作唐縣北作唐今爲安鄉縣在澧州東南一百二十五里北至公安縣界六十里左

合涔水水出西南天門郡界南逕岑評屯屯竭涔

水溉田數千頃又東南流注于澧水岑評屯在今澧州界州在岳州府西四百

二十里北至公安縣八十里本漢零陽縣地隋析置澧陽縣其故城即今州治澧水在州南三里又東澹水出焉澧

水又南逕故郡城東東轉逕作唐縣南今安鄉縣東南有唐故城

又東遶安南縣南

今華容縣是

澹水注之

即德德澹水也

又

東與赤沙湖會

河水北通江而南注澧謂之決口按赤沙湖在今華容縣西南亦謂之赤亭湖澧接安鄉縣界

又

東至長沙下雋縣西北東注于洞庭湖俗謂之澧

江口澧水自石門以西與導江無涉其南江會澧

故道參以近志有可得而言者江陵縣西南二十

里有虎渡口在龍洲之南

後漢郡守法雄有異政猛虎渡其時因名宋乾道七年湖北漕臣李熹

虎渡隄即此水經注江水自枝迴洲分焉南北二江北江有故鄉洲其下爲龍洲

南江從此東南流注

于澧水同入洞庭蓋即所謂涪水也澧州志云涪

水爲岷江別派從公安入境爲四水口

在州北六十里東接岳陽

北連荆江又東南流過焦圻一箭河至匯口入澧故稱澧

澧楚驛望峽今扶浦今云委舊縣東南有澧

鎮卽其地也澧水又東逕安鄉縣南會赤沙湖

東臨巴陵

縣百

里而東入洞庭湖湖在巴陵縣西南一百五十步

見元和志

此導江東至于澧過九江至于東陵之故道也

春秋傳曰物莫能兩大故二水並行一盛則一微

自然之理也昔禹旣疏鑿三峽水勢并注其中而

北谷村之舊流遂爲斷江其後魚復江所出之夷

水亦致淺狹不可行舟近事如句容縣故江乘地

北瀕大江今皆爲洲渚江水南去岸二十里楊子

江舊闊四十里瓜洲本江中一洲今北與楊子橋

相連而江面僅七八里又如靖江縣大江舊分二

派繞縣南北明天啓以來潮沙壅積北派竟成平

陸與揚州之秦興相連以今驗古小修云北江漸
盛而南江日微殆非臆說然自屈原九歌云望涔
陽兮極浦橫大江兮揚靈蓋涔陽在涔水之北大
江又在涔陽之北則戰國時固以北江爲正流而
南江爲涔水矣年代久遠世鮮有知者地志水經
所言宜乎與禹貢不合也

東地北會于匯

釋文地以爾反渭
按于俗本作爲誤

蘇氏曰地地邇也林氏曰地者斜出之辭邵氏曰江
漢水漲彭蠡鬱不流逆爲巨波無仰其入而有賴其
過彼不過則此不積所謂匯者如此故曰北會于匯

匯言其外也蠡言其內也于匯不于彭蠡勢則然也

蓋實志也。渭按江水迤北由沙羨始。漢自大別以至彭蠡，大勢皆東。江自沙羨以至彭蠡，則東且迤北矣。經先漢後江東，匯為彭蠡者，漢也。而江水亦至其處。故曰東迤北會于匯。言與漢所匯之彭蠡會也。于字俗譌作為，則其義不可通矣。

傳云迤溢也。東溢分流都共北會為彭蠡。正義云迤者靡迤邪出之言，故為溢也。東溢分流又都共聚合北會彭蠡，言散流而復合也。鄭云東迤者為南江孔意，或然。至之與會，史異文耳。渭按馬融曰迤靡也，即邪出之意。謂大勢東行而微帶北也。傳以迤為溢而分流，殊不可曉。林少穎云孔氏以東

迤爲句而北字屬下非經意也言北江中江者是
自彭蠡而東方合爲二江鄭氏以東迤爲南江則
是自東陵而下已分爲三矣此說尤與經不合

水經注江水自下雋以東所紀山水地名或瑣細
難考沔水自石城以東尤多舛錯道元亦自謂未
必一得其實今據府州縣志以爲之綱而掇取水

經注及羣書要語附載于其下

金禮部郎中蔡正甫撰補
正水經三卷元歐陽原功

爲之序曰其詳于趙代開水此固景純之所難若江自尋陽以北吳松江
以東則又能使道元之無遺恨者惜乎其書今不得見而靡所折衷也江

水自巴陵縣西北會洞庭湖又東逕其縣北

水經注
江水會

湘水又東逕忘置山南江之右岸有城陵山按今巴陵縣北有忘置洲宋書

檀道濟等討謝晦至忘置洲列傳過江即其東有城陵磯東北接臨湘縣

界磯下爲三湘浦元和志云在巴陵縣東北十一里黃湖王云今江水衝城

陵磯而臨江驛至岳陽湖口六十里皆淤沙磯起南環湖北沿江塞隘九江

之水亦淤窄矣 又東逕臨湘縣北 晉以後為巴陵縣地宋所置臨

湘縣水經注江水自彭城磯東逕如山北北對隱磯二磯之間大江中有磯石孤立山東江浦世謂之白馬口按彭城磯在縣西江中元和志云在巴陵

縣東北九十四里蓋其時未有臨湘也 又東逕嘉魚縣西北與縣東北十里有白馬磯山又有隱磯

沔陽州分水 嘉魚在武昌府西南二百五十里漢沙羨縣地隋為蒲圻縣地南唐分置嘉魚縣沔陽在安陸府南少東三五

三十里本漢州陵縣水經注江水東逕烏林南吳黃蓋敗魏武于烏林是也又東右得蒲磯口即陸口陸水出下雋縣東逕蒲圻縣北又東逕蒲圻山北

入江按蒲磯山在今蒲圻縣南五十里圻與磯通元和志云赤壁山在蒲圻縣西一百二十里北臨大江蓋其時未有嘉魚也今蒲圻臨江之地盡入嘉

魚而蒲圻 又東北逕江夏縣西漢陽縣東又北漢水無江水

自北來注之 江夏為湖廣布政司武昌府治本漢沙羨縣地漢陽為漢陽府治本春秋之夏油亦漢沙羨縣地水經注江水

自沙陽湖又東逕百人山南右逕赤壁山北昔周瑜與黃蓋詐魏武大軍處也江水又東逕大軍山南又東逕小軍山南又東逕雞翅山北又東逕數父

山南對數洲亦曰數步又東逕魯山南古製魯山也山左即沔水口矣江之右岸有船官浦歷黃鵠磯西而南是曰黃鵠浦船官浦東即黃鵠山東北對

夏口城魏黃初二年孫權所築也按夏口於城在今江夏縣西南魯山即天別在漢陽府城東北半里黃鵠山在府城西臨鵠磯時江與漢水對峙

洲在城西南二里大江中尾直黃鵠磯明季蕩滅小軍山在漢陽縣西南五十里天軍山在縣西南六十里百人山在縣西南八十里 又北

折而東逕武昌縣北其對岸則黃陂縣黃岡縣武昌

縣在武昌府東北一百八十里本漢鄂縣黃陂在黃州府西二百四十里本漢郢縣地黃岡爲府治本漢西陽郢西陵三縣今縣西北有郢縣故城水經

注江水東逕郢縣南右得黎磯北對舉口舉水出龜頭山西南流注于江謂之舉口南對舉洲左傳定公四年吳楚陳于柏舉疑卽此也江水又東逕郢

縣故城南南對蘆洲又東逕鄂縣北右得樊口左逕赤鼻山南又東逕西陽郡南郡治卽西陽縣也江之右岸有鄂縣故城今武昌也城南有袁山卽樊

山北背大江江上有釣臺接蘆洲在今武昌縣西二十里一名伍洲樊口在縣西廿五里陸游曰黃州與樊口正相對樊山在縣西一里赤鼻山在黃州

府城西其蘇子瞻賦然爲赤壁 又東逕大冶縣北蕪水縣南 大冶在興國州西北一百五十

里今蕪湖下雒二縣地蕪水在黃州府東少南一百十里本漢軹縣水經注江水合巴水又東逕蕪湖縣故城南故城內也城南對五洲江水東會希水口

又東逕西陵縣故城南史記秦昭王遣白起伐楚取西陵者也又東逕黃石山北卽黃石磯也東山偏島謂之西塞按黃石磯在大冶縣東北三十里西

塞山在縣東九十里元和志云在武昌縣東八十五里蓋與大冶分山也蕪水縣南有希水史記集解徐廣曰西陵屬江夏正義曰括地志云西陵故城

在黃州黃山西二里 又東逕興國州北蕪州南 興國在武昌府東南三百六十里本漢下雒縣

兼鄂縣地蘄州在黃州府東少南一百八十里本漢蘄春縣水經注江水自西塞山又東蘄水注之又東逕蘄谷故城南又東逕積布山南西陽尋陽二郡界也又東逕下雒縣北刊水從東陵西南注之又東左得青林口水出廬江郡之東陵鄉江夏有西陵縣故是言東矣尚書云江水過九江至于東陵者也按酈說非是

又東逕瑞昌縣北廣濟縣南

瑞昌在江西九江府西九十里

本漢柴桑縣地廣濟在湖廣蘄州東七十里

又東逕德化縣北黃

梅縣南

德化九江府治晉水興初於此置尋陽郡隋因改柴桑曰尋陽而江北之名遂移于江南黃梅有蘄州東一百六十里本漢尋

陽縣其故城在今縣東北元和志大江在黃梅縣南一百里

彭蠡澤在德化縣東南九十

里其水北注于江此導江東也北會于匯之所經

中今洞庭湖過江漲其水亦為江波所過而經獨於彭蠡言匯澤者蓋禹時以後未有洲渚九江即是江身與彭蠡異故不言匯澤也

吳幼清移前東匯澤為彭蠡六字于此東也北會

于匯之上其說曰鄂北對漢陽軍大別山漢水白

北來入江江水與之會合流曰匯故曰東也北會

于匯不言會于漢者以漢有漾沔滄浪之異名不可指定一名而言故但曰會于匯也金吉甫則直以匯爲誤字其說曰當作會于漢蓋江勢迤北處正受漢口若至彭蠡則東流久矣匯字必因上文而誤也今按江漢合流入揚州之域會彭蠡水始有三江之目若以匯指漢水則北江中江不待過彭蠡而始有其名矣禹貢于荊州言江漢無中江北江之名於揚州始言三江蓋必會南江而後可命之曰北曰中也周禮荊州曰其川江漢揚州曰其川三江與禹貢若合符節匯非漢口明矣自宋以來說此經者遇難解處不以爲衍文則以爲錯

簡不以爲錯簡則以爲誤字真禹貢之一厄也
東爲中江入于海

傳曰有北有中南可知曾氏曰豫章九江合于湖漢
東至彭蠡入江此九水蓋南江也南江乃江之故迹
非禹所導禹導漢水入焉與舊江合流而水之派分
爲南北故漢爲北江又導岷山之江入焉其流介乎
二江之中故爲中江南江乃故道故經不志程氏曰
經云東匯澤爲彭蠡東迤北會于匯是二語者附著
直略切南江以概其所不書者也彭蠡爲南江無疑禹之
行水嘗經疏導則雖小而見錄無所致力則雖大而
不書南江源派誠大且長正以不經疏導故自彭蠡

而上無一山一水得見於經然於其合并江漢而以
匯會名之使天下因鼎錯之實參北中之目而南江
隱然在二語中此聖經之書法也邵氏曰江水濬發
最在上流其次則漢自北入其次則彭蠡自南入三
江並持而東則江為中江漢為北江彭蠡所入為南
江可知已非判然異派之謂也且江漢之合茫然一
水唯見其為江也不見其為漢也故曰中江曰北江
然其勢則相敵也故曰江漢朝宗凡集傳謂經誤者
非是餘于張克脩云寶亦云渭按三江之說自康歲
子瞻以後得三氏而愈明江漢共為一瀆而其入海
也則漢為北江江為中江即朝宗于海並舉二川已

為之張本矣南江無所致力不用循行故導水無文

江水至德化縣東北頓水合彭蠡湖從南來注之

江水又東北逕湖口縣北又東北逕彭澤縣北其

對岸則宿松縣望江縣湖口在江西九江府東六十里本漢彭澤縣彭澤在府東一百二十里本漢彭

澤縣地縣北大江中有馬當山陸龜蒙銘曰天下之險在山曰太行在水曰呂梁合二險而為一又聞乎馬當宿松在江南安慶府西南二百六十里本

漢皖縣地大江在縣南一百二十里縣志云小孤山在縣東南一百二十里舊時峙江北岸與南岸彭郎磯相對江水經此湍急如沸明成化十二年

江水忽分流于山北流日益廣自是屹立中流大江澎湃環于四面望江在府西南一百二十里亦漢皖縣地晉置大雷戍即今縣治大江在縣南十五

里楊溪河即古雷水也亦曰雷池又東北逕東流縣西其對岸則懷寧縣

東流在江南池州府西少南一百八十里亦漢彭澤縣地又東北逕江去縣一里懷寧為安慶府治本漢皖縣大江在南門外

貴池縣北其對岸則桐城縣貴池池州府治本漢石城縣大江去縣五里桐城在安慶府東

北一百二十里春秋桐國漢置樅陽縣史記秦始皇自雲夢浮江渚下觀籍柯括地志云在同安縣東隋改樅陽曰同安也漢書武帝自尋陽浮江薄樅

陽而出今縣東南有射蛟臺

又東北逕銅陵縣西又東北逕繁昌縣

北其對岸則無為州

銅陵在池州府東北一百里本漢陵陽春穀二縣地大江去縣里許鵲頭山在縣北左傳

昭五年楚伐吳吳人敗諸鵲岸即此繁昌在太平府西南一百三十里本漢春穀縣大江去縣五十里赭圻城西臨大江吳所置赭圻屯也縣東北三十

里江中有鵲尾洲無為在廬州府東南二百七十里春秋巢國地漢置居巢襄安臨湖三縣水經注沔水與江合流又東合彭蠡澤又東北出居巢縣南

古巢國也湯伐桀桀奔南巢即此江水自濡須口又東左會柵口水水遵巢湖東過故東關城又東南流注于大江按州東少南九十里為巢縣漢居巢

縣地巢湖在縣西亦作灑湖又名焦湖方輿勝覽云湖周四百餘里占合肥舒城廬江巢四縣之境納諸水而注之江濡須水在縣南源出巢湖亦曰東

關水又按寰宇記江水在含山縣南一百七十里九域志亦云含山縣有大江蓋唐宋時其南境本瀕江自明初割縣南周興銅城梅山等鄉入無為州

而縣界遂無江矣

又東北逕蕪湖縣西又北逕當塗縣西其

對岸則和州

蕪湖在太平府南少西六十里春秋吳鳩茲邑漢置蕪湖縣大江去縣五里螺磯在縣西七里江中江在縣

南一名蕪湖水元和志云蕪湖水在當塗縣西南八十里源出丹陽湖西北流入大江案守記云蕪湖在蕪湖縣界長七甲縣志以縣東十五里天成湖

當之一名天聖湖當塗太平府治本漢丹陽縣牛渚山一名采石山在縣西北二十五里西臨大江渡江至和州二十五里陸游云古來江南有事從采

石渡者十之九從京口渡者十之一蓋以江面狹于瓜洲也和州在江南布政司西一百三十里木漢歷陽縣大江在州東南江上有梁山宋大明七年紀梁山大闕江中立雙闕于山上元和志云梁山在歷陽縣南七十里東岸有博望山屬姑孰二山隔江相對望之如門南朝謂之天門山橫江浦在州東南元和志云歷陽縣東南二十六里直江南采石渡處烏江浦在州東北元和志云在烏江縣東四里即亭長孫船處

又東北逕

江寧縣西其對岸則江浦縣

江寧與上元縣並為江南布政司江寧府治本戰國楚金陵秦

改曰秣陵漢置秣陵縣屬丹陽郡其故城在今縣東約五里寰宇記云大江從江寧縣西一百二十里永當塗縣分黃浦上田為界紆回屈曲二百九十

三里與和州烏江揚州六合並分中流為界胡三省曰江水東流自武昌以下漸漸向北蓋南紀諸山所迫陂陁之勢漸使之然也至于江寧江流愈北

蓋建康當下流都會望淶陽武昌皆直南望歷陽壽陽皆直西故建康謂之陽城以西皆曰江西而江西亦謂建康為江東建康謂姑孰為南州京中

為北府皆以勢然也三山在縣西南五十七里一名三山磯又有懸山蓋三山落星山皆與臨大江江浦在府西四十里本漢堂邑全椒二縣地舊

大江在縣東南三里自浦子口渡江至府城觀音門二十里而近一名安陽渡又云大江自梁山來曰楊子江抵浦子口接六合縣界曰宣化江

東北逕上元縣北其對岸則六合縣

上元本漢秣陵縣地大江去縣二十餘里

有山踞江而出者曰焦家嘴又東曰觀音山燕子磯又東歷濤山以接黃天蕩在縣東北八十里胡三省曰大江過昇州界浸以深廣自老鶴嘴渡白沙

橫關三十餘里俗呼黃天蕩六合在府東北一百三十里漢堂邑縣地大江在縣東南六合山在縣西北七十五里隋開皇九年晉王平陳於此臨江觀渡兵馬瓜步山在縣東南宋元嘉二十七年魏主燾至六合登瓜步隔江望秣陵纔數十里寰宇記引南兖州記云瓜步山東五里有赤岸南臨江中水自海入江衝激六七百里至此岸側其勢始衰按枚乘七發言廣陵曲江之濤曰凌赤岸簞扶桑郭璞江賦云鼓洪濤于赤岸淪餘波于柴桑皆謂此也輿地紀勝云滁河即古涂水源出合肥縣東流運全椒滁州六合至瓜步入江瓜步之東又有石帆山轟居江中山東即黃天蕩江流至此波濤甚險

又東逕句容縣北其北岸則儀真縣

句容在府東九十里本漢句容江乘二縣

大江去縣七十里龍潭鎮在縣西北八十里逼臨大江儀真在揚州府西七十里本漢江都縣地唐為楊子縣縣西二十里宣化鎮有五馬渡晉五王

此渡江故名

又東逕丹徒縣北其北岸則江都縣

丹徒鎮江府治春秋吳朱

方邑漢置丹徒縣北固山在府城北下臨長江京峴山在城東五里即秦西鑿泄王氣處吳謂之京口以此蒜山在府西五里有西津渡北與瓜洲對舊名蒜山渡金山在城西西北七里江中周必大筆錄云此山大江環繞每大風四起勢若浮動名浮玉山唐有裴頭陀於此開山得金賜名金山焦山之城東北九里江中後漢焦先隱此因名旁有海門二山金焦相望十五里之都揚州府治漢舊曰縣故城在今府城南西十六里為江水所侵魏志文帝

初六年行幸廣陵故城臨江觀兵即此地瓜洲鎮在府城南四十五里有以通鎮江元和志云江都縣大江南對丹徒之京口舊關四十餘里今

瓜洲乃江中一洲耳今與楊子橋相連矣以故自古南北之津上則由采石下則由江乘而京口不當往來之道史記秦始皇登會稽還從江乘渡正義云江乘故縣在今潤州句容縣北六十里吳徐盛作疑城自石頭至江乘晉蔡謨自土山至江乘鎮守八所城壘凡十一處皆以沿江為防守之要令江乘去江幾二十里以外皆為洲者而渡口乃移于龍潭又瓜洲既連楊子橋江面益狹而隋唐之代復以丹陽郡移治丹徒於是渡者舍江乘而趨京口宋乾道四年築瓜洲南北城而京口之渡至今因之按楊子江今北去揚州府城四十里唐書齊濟為潤州刺史州北距瓜步沙尾紆迴六十里舟多敗溺漕徒漕路山京口謀治伊婁渠以達揚子歲無獲舟減運錢數十萬又立伊婁渠官征其入胡三省曰今之楊子橋或是唐揚子縣治所橋以此得名也地理志江都有江水祠渠水首受江北至射陽入湖即邗溝也 又

東逕丹陽縣北又東逕武進縣北其北岸則泰州

丹陽在鎮江府東六十里本漢曲阿縣大江在縣東北六十里又東北十里為句溇南流嘉山北通大江又東十里則武進之孟瀆河口也武進為常州府治春秋吳延陵邑漢置毗陵縣大江在縣北五十里地理志毘陵季札所居北江在北東入海水經注云毘陵縣北二百步有故城本毘陵郡治舊去江三里岸猶毀遂至城下江即北江也泰州在揚州府東一百二十里本漢海陵縣唐為吳陵縣大江在州南漢志海陵有江海會祠 又東

逕江陰縣北其北岸則泰興縣靖江縣如皋

江陰在常

州府東北九十里本漢毘陵縣地大江在縣北有馬馱沙與泰輿

山臨江南去縣二里亦名瞰江山泰輿在揚州府東南一百四十里

陵縣地靖江在常州府東北一百十里本唐海陵吳陵二縣地宋為泰輿

地元改屬江陰縣明成化五年析置靖江縣孤山舊在縣東北二十五里

中成化八年後湖沙壅積轉而成田今山在平陸新志云大江舊分二派

縣南北天啓以來湖沙壅積縣北大江竟為平陸因開界河與泰輿分界

大江唯經其東南縣遂為江北之地矣按漢吳王濞都廣陵故吳說漢曰

粟西鄉不如海陵之倉臣贊云海陵縣名也有吳太倉又曰修治上林不

長洲之苑如淳云以江水洲為苑也韋昭曰長洲在吳東後漢省海陵入

陽縣郡國志臨淮郡東陽下云有長洲澤吳王濞太倉在此然則長洲苑亦

故海陵地也今不知在何處竊疑靖江縣大江舊分繞其南北本是一洲蓋

北其北岸則通州

常熟在蘇州府北八十里本漢吳毘陵二縣地

大去縣四十里福山臨江有港東連大海曰

福山港通州在揚州府東四百里本漢海陵縣之東境狼山在州南十八里

布洲峽在洲南四十里江中黃子鴻曰常熟與通州相對古時縣界闊遠故

東北瀕海自明中葉分置太倉州之後凡縣境濱海之地已割屬之今江自
太倉之七鴉口始折而南是為大洋其在本縣境者自福山北距通州之狼
山水面不過百里止可
謂之江尾而非海也 又東逕太倉州北其北岸則海門

縣又東入于海

太倉在蘇州府東北一百十里本漢婁縣地梁以後為崑山縣地明初置太倉衛弘治十年始割崑山常

熟嘉定二縣地置太倉州婁江在州南大海在州東北南接嘉定北接通州
郊置水利書云今崑山之東地名太倉俗號岡身朱長文吳郡續圖經云濱
海之地謂阜相屬謂之岡身州東北有七鴉浦大江由此入海海中有姚劉
沙直江口之東南今為崇明縣在州東二百八里元時海運從劉家港出海
至此故洋海門在通州東一百里本唐海陵縣之東洲鎮五代時置海門縣
海舊在縣東十五里有六港皆東通大海潮漲則盈退則涸其地為海水所
侵吞食十廣本朝康熙初縣治
遂淪于海今為海門鄉併入州境此東為中江入于海之所經

也

范成大曰江出岷山其源實自西戎萬山來至嘉
州而沫水合大渡河以會之至敘州而馬湖江出
自夷中以會之又十五里而南廣江會之至瀘州
而內江自資簡等州會之至恭州而嘉陵江自利
閬果合等州會之至涪州而黔江又自黔州合南

夷諸水會之至萬州而開江水自開達等州會之
夫然後總而入于峽是江自峽而西受大水凡八
及出峽而下岳陽則會之者洞庭湖所受湖南北
諸郡水也又自是而下鄂渚則會之者漢口所受
興元諸郡水也又自是而下黃州東四十里則會
之者巴河也又自是而下江州則會之者彭蠡今
名鄱陽湖所受江東西諸郡水也又自是而下則
會之者皖水所受淮西諸水也夫然後總而入于
海是江自峽而東又受大水凡五略計天下之水
會于江者居天地間之半其名稱之大而可考者
凡十有三故曰江源其出如甕而能滔滔萬里以

達海所受者衆也嗚呼問學者可以觀矣

漢志蜀郡湔氐道下云禹貢岷山在西徼外江之所出東南至江都入海過郡七行二千六百六里按今江水所過於漢為蜀郡犍為巴郡南郡嘉沙江夏豫章廬江丹陽會稽廣陵凡十郡一國而志云過郡七蓋江都在江北據北岸言之故不數南岸之長沙豫章丹陽會稽也又水經江水東逕宜昌縣之流頭灘注引袁崧曰自蜀至此五千七百里干寶晉紀云吳孫皓使紀陟如魏司馬昭問吳茂備幾何對曰西陵至江都五千七百里宜昌今宜都也在西陵之東誠如所言則江自岷山至江

都入海行萬餘里而志云二千六百六十里相去
懸絕二千之誤理無可疑閻百詩云自江都至夷
陵州古西陵即水道曲折亦不及三千里吳使士
言以夸敵耳就令如此亦當有七八千里嘗讀禹
書纂言載易氏之說云江源在松州交川縣西
三十里南流二百四十里至翼州翼水縣又六十
里至茂州汶山縣又三百七十里至成都府又二
百里至眉州通義縣又五百六十里至戎州夔道
縣又二百十里至瀘州瀘川縣又七百里至渝州
巴縣又三百四十里至涪州涪陵縣又三百五十
里至忠州臨江縣又二百六十里至萬州南浦縣

又三百里至夔州魚復縣又一百里至巫山縣又
三百三十里至歸州秭歸縣又二百里至硤州夷
陵縣出峽又三百三十里至江陵府江陵縣又五
百七十里至岳州巴陵縣又五百里至鄂州江夏
縣又六百里至江州德化縣又五百八十里至池
州又七百四十里至鎮江府又三百里至泰州入
海以上江水所行自交川至夷陵凡四千三百三
十里較袁崧少六百七十餘里自夷陵至泰州凡
三千六百三十里較紀陟少二千七十里陟言誠
夸謂不及三千亦非也江自松潘至泰州行七千
九百六十里自泰州至海門入海又四百里通計

羅介
得八千三百餘里二當作八或是七而先儒釋漢
書者曾無一語駁正豈近世傳寫之誤而古本不
若是與

漢志滄氏道下云江水東南至江都入海江都下
云有江水祠海陵下云有江海會祠皆以北岸言
之江海會者謂江入海處也毘陵下云北江在北
東入海則以南岸言之今泰州泰興靖江如皋通
州海門漢時皆為海陵縣地今武進江陰常熟及
太倉瀕海之鄉漢時皆為毘陵縣地故大江入海
在其境班氏所言初無滲漏然北江者大江之正
流也而志與中江南江並列而為三使枝幹不分

石城分江水即南江之上源而松江在吳縣南昔
中江由陽羨入海之道也志更以爲南江使首尾
橫決此則其所短耳水經依導水之序先沔而後
江沔水篇云與江合流東過彭蠡澤又東北出居
巢縣南又東至石城縣分爲二其一過毘陵縣北
爲北江而不及江都蓋舉其南而遺其北也江水
篇敘至下雒縣北東陵鄉之東北而止以是應過
九江至于東陵之文而不知此東陵非禹貢之東
陵也自是以下則以爲與沔水同故不復見然沔
水篇但云過毘陵爲北江而下文則專敘南江至
餘姚入海無一言及于北江遂使志家有錯認北

江至山陰爲浙江者貽誤不小酈注則又兼用韋昭郭璞庾仲初之說分南江爲二派一自湖口東出爲松江下七十里岐分爲三江口以入海一歷烏程縣南通餘姚縣合浙江浦陽江以入海而總結之曰是所謂三江者也故子胥曰吳越之國三江環之民無所移矣但東南地卑萬流所湊濤湖泛決觸地成川枝津交渠世家分夥故川舊瀆難以取悉雖麤依縣地緝綜所纏亦未必一得其實也今按太行恒山之東地平土疏河漳滹沱等水性善徙一朝泛決觸地成川者有之揚州土雖塗泥而不甚疏惡時或泛決亦未聞有觸地成川之

事其所謂枝津交渠者蓋自吳通渠三江五湖之
後日加穿鑿以資灌溉便舟楫遂致故川舊瀆雜
亂不明非水自爲之也然此等混淆終無害于禹
貢學者但能遵鄭蘇之說以三江爲一派則上自
彭澤下至毘陵海陵大江所行禹迹具存按圖而
考歷歷可據又何必乞靈于孟堅取裁于善長也
哉

禹貢錐指卷第十四下